

Yuwarwar Yesu Kristu beleş mata banare niñ Yon ikala iryiñ

¹ Be, asañ kañ hime gabe kame mata forok yenayiñ goyen Yesu Kristu beleş nikala nirkeb gago kañ hime. Al Kurun beleş mata heñ ga moñ forok yiniñ tahañ goyen meten marmin yikala yiri yeñ Yesu momoñ iryiñ. Irkeb Yesu Kristu beleş meten marmin kurab ne Yon gayen momoñ irayiñ yeñ miyoñmin hulyañ irke wañ momoñ niryiñ.

² Nebe Al Kurunyen mereya Yesu Kristu beleş tagalde hinhin mereya kurun goyen delner yenen hinhem geb, goke al momoñ yirde himyen.

³ Niñgeb al kura mata kame forok yetek goke yitiñ gayen kapyañ hinayiñ mar gobe Al Kurun beleş guram yirde tareñ yiryen. Irde mata kame forok yetek goke yitiñ gayen kapyañ heke nurde gama irde hinayiñ marbe Al Kurun beleş guram yirde sañiñ yiryen. Gobe mata goke katiñ gwahade po heñ ga ma forok yiniñ tahañ geb, gago dinenñ hime.

Yon beleş taun 7 bana Yesuyen alya bereya hañ goyen goke asañ kayyiñ

⁴ Be, ne Yon beleş deñ Yesuyen alya bereya Esia* naña bana niñ taun 7 bana hañ mar goyen goke asañ gago kañ hime.

* **1:4:** Esia naña gobe gayenter niñ Esia naña kurun goke ma yitiñ. Gayenterbe Turki inen hanyen.

Be, bikkenɗi hinhin, haɗka hi, irde kame wayyen
al Al Kurunɗi beɗenɗi buninɗi dirde bitinɗi
yisikamke iginɗi hiwonɗi yenɗi gusunɗanɗi irde
hime.

Irde Holi Spirit mata wukkenɗi wor po 7 minɗanɗi†
gore wor gwahade po dirwonɗi yenɗi nurde
hime.

5 Irde Yesu Kristu wor buninɗi dirde bitinɗi
yisikamke iginɗi hiwonɗi yenɗi nurde hime.

Yesu Kristube Al Kurunɗi mere binɗe mat
fudinde wor po tagalde hinhin.

Yenɗe kamtinɗe mat huward huward mata goyen
yenɗi wa minɗi uryinɗi.

Yenɗe megen ninɗi doyanɗi mar karkuwanɗi gote
doyanɗi al.

Yenɗi beɗenɗi neɗi gayen bubulkuɗne wor po yenɗi
nurd dunenɗe darim wok irde kamɗinɗe
mat mata bulunɗi bana mat dad sinɗa dirɗinɗi.

6 Irde Naniɗi Al Kurunɗi yufukde derde yenɗi
dolonɗi ird ird mata doyanɗi mar dirɗinɗi.

Ninɗeɗe deɗe tunɗunɗi yanya tareɗyabe huginɗi
huginɗi Yesu hitte po hiyenɗi. Fudinde wor
po.

7 Ga nurnanɗi, yenɗe kigarinɗinɗi faykek hende
katenɗi hikeɗi
al tumɗanɗi kennayinɗi.

Hakde fakamaminɗi marya megen ninɗi alya bereya
tumɗanɗi daninɗi gwaha irtirinɗi yenɗi esenɗi
obam tinayinɗi.

Gabe fudinde forok yiyyenɗi! Fudinde wor po.

† 1:4: Namba 7 gote minɗe Al Kurunɗi asanɗeɗe bulunɗi kuram
monɗi, wukkeɗi wor po goke yitinɗi.

⁸ Be, Al Kurun̄ taren̄miñ kurun̄ wor po, Doyan̄ Al Kurun̄ belej, “Nebe Alfaya Omegaya,[‡] det kurun̄ gayen miñ urmiriñ al, irde det kurun̄ gayen pasi ird ird al,” yeñ hi. Yeñbe bikkeñ hinhin, gayenter hi, irde kame wañ wañ albe yeñ gogo po.

Yon belej Yesu Kristu kinyiñ

⁹ Be, ne Yonbe denya tumñan̄ Yesuya heñbe dadatiñ yara himiriñ hime. Irde yeñ ge teñ kanduk tumñande yeneñ hite. Neya denyabe Al Kurun̄ belej alya bereyamiñ doyan̄ yird yird bana goñ tumñan̄ hite. Irde yeñ ge teñ kanduk bana hite gega, goke mukku ma teñ goya goya sañiñ heñ heñ ge piñeñ ma heñ hite. Be, ne belej Al Kurun̄yen mereya Yesu belej tagalde hinhin mereya kurun̄ goyen tagalde himeke al belej goke igiñ ma nurdeb nade Patmos motmotde gago neramiñ.

¹⁰ Be, Doyan̄ Al Kurun̄yen naña nalu kurare kurab Holi Spirit belej sañiñ po ketal nuryiñ. Irkeb harhokne belej mat al melak kura bigul mere yara kurun̄ po forok yeke nurmiriñ.

¹¹ Meremiñbe gahade: “Mata keneñ ha gayen asan̄de kaya. Irdeb asan̄ go Yesuyen alya bereya sios taun 7 bana hañ goke teñ kerke kuyeñ. Taun 7 gobe Efesus, Sumena, Pergamum, Taiataira, Sardis, Filadelfiyabe Laodisia,” inyiñ.

¹² Be, al mere nira go kene yeñbe tigiri timiriñ. Tigiri teñbe hushi go hende yerde yusun̄ yurde

[‡] **1:8:** Alfabe Grik mere kan̄ kan̄ matare mere bilmiñ meheñde, munan̄ Omegabe funan̄de. Alfa gote miñbe miñ urd urd niñ yitiñ, munan̄ Omegabe pasi ird ird niñ yitiñ.

hanyen kutum 7 gol hora belen po yirtin goyen yinmirin.

¹³ Irdeb hulsi 7 go kahaltebe al kura “Al Urmin” inen hanyen goyen kinmirin. Yenbe amil sobam kerke kurkun kahan patare po hitin, irde gol belen po kan yara irtin goyen dumunde bili irtin minyan.

¹⁴ Tonanya tonan yuwalnya gobe sipsip wuynya gaganya faykek wor po go gwahade hinhin, irde dilinbe kak melak yara agat urde hinhin.

¹⁵ Irde kahanbe ain kura baras inen hanyen goyen kakde kunga tike buk yen hel yen hanyen go gwahade yara hinhin. Irde merembe hamula kurunde mat fe solok yen migirin kurun po ten hitin yara nurmirin.

¹⁶ Hani yase belenbe dinambe 7 yanarde hinhin. Irde fulenare nin bidila kura misin kurhan kurhan goyenbe mohan bana mat wan hinhin. Irde kiminbe nana taren po timiytin yara hinhin.

¹⁷ Be, go kenenbe kafura wor po hen al kamtin yara hen kahan minde katen dokolhon yugulun timirin. Irkeb yen belen hani yase ne hende kerde gaha ninyin: “Kafura ma hawayin. Nebe det kurun gayen min urmirin al, irde det kurun gayen pasi ird ird al.

¹⁸ Nebe gwahader hitin al. Kammirin gega, sopte huwarde gwahader po delne gergen himyen gago nenha. Nebe kamde kamde mataya kamtin marte gasunya doyan yird yird tarenne yan.

¹⁹ Ningeb ge belen mata gayenter forok yen han, irde kame forok yenayin kurun goyen delger

yenenj ha gayen asanjde kayayinj.

²⁰ Hanne yase bana dinambe 7 hañ gaya hulsi 7 gol belenj po yirtinj gote miñ banare hitinj gobe gahade: dinambe 7 gobe Yesuyen alya bereya sios taun 7 bana hañ gote Al Kurunyen miyonj 7 niñ yitinj. Irde hulsi 7 gobe Yesuyen alya bereya sios taun 7 bana hañ goke yitinj,” ninyinj.

2

Efesus niñ Yesuyen alya bereya niñ yirinj

¹ Be, al gore sopte gaha ninyinj: “Gebe Yesuyen alya bereya sios Efesus taunde hañ mar goyen doyanj yirde merene basanj heñ saba yirde hiyen al go hitte mere gahade kayayinj:

Mere gabe al dinambe 7 haniñ yase belen yanarde hulsi go hende yerde yusunj yurde hanjen kutum 7 gol belenj po yirtinj goyen kahalte kuñ wañ tej hiyen al gore gaha yirinj:

² Nebe deñ belenj mata iginj tej metenjanj po tej hanjen, irde kanduk yenenj hanjen goke mukku ma tej sanjinj po heñ hanjen goyen nurde himyen. Irde al kura dufay bulun minyanj mar goya hitek ma nurde hanjen go wor nurde himyen. Irde al kura yinjen ge yen, ‘Neñbe Yesuyen mere basanj mar,’ yen al hoyanj usi yirde hanjen mar goyen tunanj yurde mereminjbe usi goyen kenkela bebak tej hanjen go wor nurde himyen.

³ Deñbe ne niñ tej kanduk kurayen kurayen yenenj hanjen gega, goke mukku ma tej tareñ po heñ hanjen. Kanduk goke yul ma yen hanjen.

⁴ Goyenpoga matatin kura goke igin ma nurde hime gobe gahade: denbe hanƙapya Al Kurunya al hoyanya nin amanen wor po nurd yunen hinhan gega, gayenterbe go mata gob tubul ten gwaha ma ten han.

⁵ Denbe mata igin wor po ten hinhande mat katamin gobe ugun wor po katamin geb, goke dufay henayin. Irde mata bulunƙin yubul tenbe yen ge bitin mulgan hekeb hanƙapya mata igin ten hinhan goyen sopte ten hinayin. Munan gwaha ma tinayinbe ne beles den hitte kunbe nere hulsi den bana hi goyen gasunende mat ten sija irmeke gabutin gobe hubu po hiyyen.

⁶ Gega mata igin kura ten hanyen goke amanen nurde hime gobe gahade: Nikolasyen usi mere gama irde hanyen mar gore mata ten hanyen goke ne beles igin ma wor po nurde himyen gwahade goyen po, den wor go mar goke igin ma nurde yunen hanyen. Gobe igin wor po ten hanyen.

⁷ Nin geb al kirmin minyan marbe Holi Spirit beles sios momon yirde hi goyen nurde bebak tina ko. Al kura mata bulunya kandukya goyen fole yirnayin marbe ne beles ok yinmeke nene huginen hitek he iginen Al Kurunyen gasunde han goyen igin nenayin,” yirin.

Sumena nin Yesuyen alya bereya sios nin yirin

⁸ Be, al gore sopte gaha ninyin: “Gebe Yesuyen alya bereya sios Sumena taunde han mar goyen doyan yirde merene basan hen saba yirde hiyen al hitte mere gahade kayayin:

Mere diren̄ tihim gabe det kurun̄ gayen miñ uryin̄ irde kame det kurun̄ gayen pasi iryen̄ al gote mere. Yen̄be kamyin̄ gega, sopte huwaryin̄. Meremin̄be gahade:

⁹ Nebe den̄ belen̄ kanduk yenen̄ hanyen̄ irde dettin̄ miñmon̄ geb det nin̄ amu wor po hen̄ hanyen̄ gobe nurde himyen. Gega Al Kurun̄yen gasun̄de nin̄ detbe budam wor po den̄ hitte han̄! Nebe al kura yin̄gen̄ ge yen̄, ‘Nen̄be Yuda mar,’ yen̄ al usi yirde han̄ mar gore mere bulun̄ mat dirde hanyen̄ gobe nurde himyen. Go mar gobe Yuda mar wor po mon̄, irde Satanyen̄ mere gama irnin̄ yen̄ gabu irde hanyen̄ mar yen̄ yenen̄ himyen.

¹⁰ Niñgeb den̄be kanduk yennayin̄ goke ka-fura ma henayin̄. Ga nurnan̄. Satan belen̄ den̄ goyen, “Gwaha yirmeke Al Kurun̄ nin̄ dufaymin̄ tareñ irtin̄ goyen tubul tinañ,” yen̄ den̄ han̄ bana gon̄ nin̄ al kura yade koyare yiryen̄. Irde den̄ goyen bulun̄ bulun̄ dirke nan̄a fay 10 gayen kanduk bana hinayin̄. Gega ne nin̄ dufaytin̄ san̄in̄ irtin̄ gobe san̄in̄ po tanarnayin̄. Mudunke kamnayin̄ goke bada ma henayin̄. Gwaha tinayin̄be kame gote murun̄gem iñin̄ wor po Al Kurun̄ya hugin̄en̄ hen̄ hen̄ goyen dunen̄.

¹¹ Niñgeb al kirmin̄ miñyan̄ marbe Holi Spirit belen̄ sios momon̄ yirde hi goyen nurde bebak tinañ ko. Al kura mata bulun̄ya kandukya goyen fole yirnayin̄ marbe kamnayin̄ gega, sopte kamde kamde gasun̄ kak alare ma kun̄be Al Kurun̄ya hugin̄ hinayin̄,” yirin̄.

Pergamum nin̄ Yesuyen̄ alya bereya sios nin̄

yirin

¹² Be, al gore sopte gaha ninyin: “Gebe Yesuyen alya bereya sios Pergamum taunde haɗ mar goyen doyaɗ yirde merene basaɗ heɗ saba yirde hiyen al hitte mere gahade kayayin:

Mere direɗ tihim gabe fulenɗare nin bidila kura misiɗ kurhan kurhan goyen minyan al gote mere. Mereminbe gahade:

¹³ Nebe deɗ goyen Satan beleɗ nigen tiyun wor po yeɗ nurde tareɗ po metey teɗ hiyende gor haɗ gobe nurde himyen. Gega deɗbe kanduk go bana haɗ goke kafura ma heɗ ne po gama nirde haɗ. Deɗbe ne nin dufaytin tareɗ irtin goyen tubul ma teɗ haɗ. Irde ne nin binde mat fudinde wor po tagalde hiyen al Antipas goyen al beleɗ tauntin bana goɗ mayke kamiyin goyenter wor deɗbe ne nin dufaytin sanin irtin goyen tubul ma tiyamin. Fudinde, tauntin bana goɗbe Satan beleɗ heɗ metey teɗ hi.

¹⁴ Goyenpoga matatin kura igin ma nurde himyen goyen momon direɗ tihim gobe gahade: deɗ haɗ bana goɗ nin al kurabe Balamyen saba gama irde haɗ. Balambe Moap nanare nin doyaɗ al kurun Balak beleɗ daha mat Israel mar usi yirke det toneɗ al beleɗ yirtin goyen galak yirtin binde nenayin irde leplep matare katnayin yeɗ goke saba iryin.

¹⁵ Gwahade goyen po, kuratin kurabe Nikolasyen usi saba gama irde haɗ.

¹⁶ Ningeb matatin goyen yubul teɗ Al Kurun nin bitin mulgan hiyyey. Mongo ne beleɗ deɗ hitte araney kun fulenɗare nin bidila mohaner

hiyen goyen teŋ go mar goya artek geb.

¹⁷ Niŋgeb al kirminj minyaŋ marbe Holi Spirit belej sios momoŋ yirde hi goyen nurde bebak tinaŋ ko. Al kura mata bulunya kandukya goyen fole yirnayin marbe kame ‘mana’* banare hitin goyen kura yuneŋ. Irde hora faykek go hende al deŋe gergeŋ katin goyen wor yuneŋ. Al deŋe gobe hora goyen tiyyeŋ al go po ga nuryeŋ,” yirin.

Taiataira niŋ Yesuyen alya bereya sios niŋ yirin

¹⁸ Be, al gore sopte gaha ninyin: “Gebe Yesuyen alya bereya sios Taiataira taunde haŋ mar goyen doyaŋ yirde merene basaŋ heŋ saba yirde hiyen al hitte mere gahade kayayin:

Mere direŋ tihim gabe Al Kurunya Urminde mere. Diliŋbe kak melak yara agat urde hinhin. Irde kahaŋbe ain kura baras ineŋ haŋyen goyen kakde kumba tike buk yeŋ haŋyen go gwahade yara hinhin. Meremiŋbe gahade:

¹⁹ Nebe mata dahade teŋ haŋyen goyen nurde hime. Irde deŋ belej Al Kurunya al hoyanya niŋ amaŋeŋ nurd yuneŋ haŋyen irde Al Kurun niŋ dufaytin saŋin irde yeŋ ge meteŋ teŋ haŋyen goyen nurde hime. Deŋbe yeŋ ge teŋ kanduk yeneŋ haŋ gega, goke mukku ma teŋ tareŋ po heŋ haŋyen goyen wor nurde hime. Gayenter

* **2:17:** Mana gobe bikken Israel mar Isip naŋa tubul teŋ sawsawa po kurun naŋa bana kuŋ hikeya Al Kurun belej binge yuneŋ hinhin go goyen. Mana kurabe kuwe bana heŋ Biŋa Bokis bana hinhin gega, Babilon mar belej Israel marte naŋa waŋ yakira tikeya bokis gobe bana kurin. Gega Israel marbe kame Mesaia wayyeŋ nalurebe Bokis gobe kawan forok yiyyeŋ yeŋ nurde haŋyen.

den belen mata igin ten hanjen gobe hanjapya tinen henya mata ten hinhan gote folek wor po ten hanjen goyen manan nurde hime.

²⁰ Goyenpoga matatin kura goke igin ma nurde himyen. Matatin gobe gahade: denbe bere kura goyen denya hen bikken Yesebel[†] mata ten hinhan goyen gama irde hiyen gega, goke bulunen ma nurde tubul tike denya hi. Bere gobe yingen ge yen, 'Nebe Al Kurunen mere basan bere,' yen hi. Bere gore meten marne usi saba yirde mata bulun ten ten belnende yukukeb al kurabe lelep mata ten han, irde kurabe det toneh al belen yirtin goyen galak yirtin binje nene han.

²¹ Nebe bere goyen Al Kurun nin bin mulgan hen mata bulunen yubul ten ten nalu kerd unmin gega, gwaha titek ma nurde hi.

²² Ningeb bere goyen temeymeke kanduk kurun bana katyen. Irde al berem yan belen bere goya duwan ten ten mata ten hanjen marbe ulinde kanduk kurun forok ird yunen. Go mar gobe bere gote mata bulun gama irtin goyen yubul ma tinayinbe kanduk kurun forok irde yunen.

²³ Nebe al kura bere gote saba po gama irde dirnen wen hitin mar goyen gasa yirmeke kamnayin. Gwaha yirmeke gab Yesuyen alya bereya tumnan alyen binde nin dufay kenkela

[†] **2:20:** Yesebelbe bikken Israel marte doyan al kura Ahapyen berem. Bere gobe ungura dolon yirdeb Israel mar manan usi yirke bere gote mere gama irde ungura dolon yirde hinhan. (1 Doyan Mar 16:31; 18:4; 21:1-26; 2 Doyan Mar 9:22; 9:30-37)

nurde hi albe yeŋ po yeŋ bebak tinayiŋ. Nebe den beleş mata teŋ haŋ kuruŋ gote muruŋgem duneŋ.

²⁴ Be, den Taiataira taunde niŋ sios bana bere gote saba ma gama irde Satanyen mata kura banare niŋ wor po inen hanŋyen gote saba ma nurde hanŋyen mar goyen momoŋ direŋ tihim. Mere ga direŋ tihim gabe kanduk hoyan kura dune yeŋ ma dinen hime. Merenebe gahade:

²⁵ Deŋbe saba igiŋ titiŋ goyen tareŋ po tanarde hinayiŋ. Irkeb ne waŋ denenŋ.

²⁶ Niŋgeb al kura mata buluŋya kandukya goyen fole irde dufayne po gama irde hike kuŋ kuŋ nalu funaŋ forok yiyyen marbe naŋa karkuwaŋ kurayen kurayen goyen doyaŋ yird yird saŋiŋ yunenŋ.

²⁷ Goke teŋbe Al Kurunŋyen asaŋde gahade katiŋ hi:

‘Yeŋbe doyaŋ al kurunŋyen kutum kura ain beleş po irtiŋ goyen tanarde mel go doyaŋ yirde hiyeŋ.

Yeŋ beleş mel go gwamuŋ yurke kuwe yase galaŋ yitiŋ yara heŋ buluŋ wor po henayiŋ,’ yitiŋ. *Tikiŋ 2:9*

Niŋgeb yitiŋ gwahade goyen po Adone beleş alya bereya doyaŋ yird yird saŋiŋ nuntiŋ geb, ne wor mata buluŋya kandukya goyen fole yirde dufayne po gama irde hinayiŋ mar goyen doyaŋ mar karkuwaŋ heŋ heŋ tareŋ yunenŋ.

²⁸ Irde tareŋne turuŋ yaŋ wor po bayfoŋ yara goyen wor yunenŋ.

²⁹ Al kirmiŋ miŋyaŋ marbe Holi Spirit beleş sios momoŋ yirde hi goyen nurde bebak tinaŋ ko,” yiriŋ.

3

Sardis niŋ Yesuyen alya bereya sios niŋ yiriŋ

¹ Be, al gore sopte gaha ninyiŋ: “Gebe Yesuyen alya bereya Sardis taunde haŋ mar goyen doyaŋ yirde merene basaŋ heŋ saba yirde hiyen al hitte mere gahade kayayiŋ:

Mere direŋ tihim gabe Holi Spirit mata wukkeŋ wor po 7 miŋyaŋ goya dinambe 7 goya yanarde hi al gote mere. Meremiŋbe gahade: nebe mata dahade teŋ haŋyaŋ gobe nurde hime. Al hoyaŋ belenbe igiŋ po haŋ yeŋ deney haŋ gega, delnerbe al kamtiŋ yeŋ deney hime.

² Niŋgeb huwarnan! Irde matatiŋ igiŋ yubul titek heŋ haŋ goyen sopte yanarde saŋiŋ po yirnaŋiŋ. Gobe Al Kurun diliŋde matatiŋ gobe hako po haŋ yeŋ deney hime geb, gago dinen hime.

³ Niŋgeb haŋkanya saba damiŋ dirke nuraŋiŋ goke bitiŋ sir ma yenayiŋ. Irde saba goyen gama irde mata buluŋtiŋ goyen yubul teŋ Al Kurun niŋ bitiŋ mulgaŋ hiyyeŋ. Munan huwarnayiŋ moŋbe ma nurde hikeya kawe mar waŋ haŋyaŋ gwahade po, deŋ hitte kuŋ matatiŋ gote muruŋgem buluŋ duneŋ. Deŋbe ne gayen deŋ hitte kuŋ kuŋ nalu goyen epte ma bebak tinayiŋ.

⁴ Goyenpoga deŋ sios Sardis taunde haŋ mar bana goŋ niŋ al kura matamiŋbe uliŋ umŋa tikiŋ ma yirtiŋ yara Al Kurun diliŋde wukkeŋ haŋ. Mel gobe Al Kurun diliŋde wukkeŋ hitiŋ mar gote amil faykek wor po goyen yunmeke hor teŋbe

neya heɲ mata huwak teɲ hinayiɲ. Mel gobe gwaha yirtek po haɲ geb, gogo yireɲ.

⁵ Niɲgeb al kura mata buluɲya kandukya goyen fole yirnayiɲ marbe mel go yireɲ gwahade goyen po, amil faykek wor po goyen hor yirde yuneɲ. Irde deɲembe Al Kurunya hugiɲeɲ hitek marte deɲem katiɲ asaɲde mat yade siɲa ma yireɲ. Gwaha titɲeɲbe Adoneya miyoɲmiɲyat diliɲ mar mel goyen nere yeɲ nurd yuneɲ.

⁶ Al kirmiɲ miɲyaɲ marbe Holi Spirit belen sios momoɲ yirde hi goyen nurde bebak tinaɲ ko,” yiriɲ.

Filadelfia niɲ Yesuyen alya bereya sios niɲ yiriɲ

⁷ Be, al gore sopte gaha niɲyiɲ: “Gebe Yesuyen alya bereya sios Filadelfia taunde haɲ mar goyen doyaɲ yirde merene basaɲ heɲ saba yirde hiyen al hitte mere gahade kayayiɲ:

Mere direɲ tihim gabe wukkeɲ wor po, irde mere fudinde po teɲ hi al gote mere. Yeɲbe Al Kurun belen alya bereyamiɲ doyaɲ yird yird gasuɲ Dewityen taun inen haɲyen gote miɲ al geb, taun yame degel degel ki goyen miɲyaɲ. Yeɲ belen yame goyen hol iryeɲbe al kura belen epte ma tayyeɲ. Irde yeɲ belen yame goyen tayyeɲbe al kura belen epte ma digilyeɲ. Meremiɲbe gahade:

⁸ Nebe deɲ belen mata dahade teɲ haɲ goyen nurde hime. Deɲ goyen igiɲ Dewityen taun bana hurkunayiɲ yeɲbe yame degelde dunmiɲ ga hi ga kennan. Ne belen yame degelde dunmiɲ gabe al kura epte ma tayyeɲ. Deɲbe saɲiɲtiɲ kurun moɲ

gega, merene po gama irde ne niŋ helwan ma heŋ hanŋen goyen nurde hime.

⁹ Ga nurnan! Al buda Satanyen mere gama irde han mar gobe usi mar wor po. Go mar gobe yinŋen ge yeŋ, ‘Neŋbe Yuda mar,’ yeŋ han gega gwahade moŋ. Nebe go mar goyen bul yirmeke deŋ hitte wan kahanŋin miŋde urgun kanayin. Irdeb ne beŋ bubulkuŋne wor po yeŋ nurd dunen himyen goyen keneŋ bebak tinayin.

¹⁰ Deŋbe kanduk yeneŋ mukku ma teŋ tareŋ heŋ heŋ ge piŋen ma heŋ hinayin yeŋ tareŋ po dinmirin goyen po gama irde hanŋen geb, ne wor kanduk kurun forok yeŋ yeŋ nalure kanduk gore bulun dird dird beŋnebe pet tiyeŋ. Kanduk gobe alya bereya megen han kurun gote dufayminya mataminya tunan yurd yurd niŋ forok yiyyen gega, deŋ goyen kanduk go bana mat dad sin direŋ.

¹¹ Nebe heŋ ga ma wayen. Niŋgeb mere fudindeva mata huwanya deŋ hitte hi goyen keŋkela po tanarde hinayin. Gogab kame matatin iŋin gote murun gem goyen al hoyan beŋ epte ma goran dirnayin.

¹² Niŋgeb al kura mata bulunya kandukya goyen fole yirnayin marbe Al Kurunyen ya balem gote tolamin yireŋ geb, Al Kurunya hugineŋ hinayin. Yeŋbe ya balem go ma po tubul teŋ sinare kunayin. Nebe Al Kurunyen deŋemya taunmin gote deŋemya goyen mel go ulinde kayen. Irde deŋne wor kayen. Taun gobe Yerusalem gergeŋ, Al Kurunyen gasunde mat katyen.

¹³ Al kirmin minyan marbe Holi Spirit beŋ

sios momoŋ yirde hi goyen nurde bebak tinaŋ ko,” yiriŋ.

Laodisia niŋ Yesuyen alya bereya sios niŋ yiriŋ

¹⁴ Be, al gore sopte gaha ninyiŋ: “Gebe Yesuyen alya bereya sios Laodisia taunde haŋ mar goyen doyaŋ yirde merene basaŋ heŋ saba yirde hiyen al hitte asaŋ gahade kayayiŋ:

Mere direŋ tihim gabe mere fudinde gote miŋ alyen mere. Yeŋbe biŋa tiyyiŋ goyen fudinde po gama ird ird al, irde Al Kurun niŋ fudinde po tagal tagal al. Al gobe det kurun gayen Al Kurun beleŋ forok yiryiŋ gote doyaŋ al. Meremiŋbe gahade:

¹⁵ Nebe deŋ beleŋ mata dahade teŋ haŋyen goyen nurde hime. Dende Al Kurun gama ird ird matatiŋbe saŋiŋ wor po moŋ, irde bulun wor po moŋ, kahaltam po haŋ. Gobe fe kura uka wor po moŋ, irde uysun wor po moŋ go gwahade goyen. Goyenbe deŋ goyen uka hiniŋ yeŋbe ukam po hiwoŋ, munaŋ uysun hiniŋ yeŋbe uysun po hiwoŋ yeŋ nurde hime.

¹⁶ Deŋbe fe kura uka wor po moŋ, irde uysun wor po moŋ yara geb, mohoŋner mat meyaŋ titiŋ yara dirde demeyde harhokne duneŋ tihim.

¹⁷ Deŋbe dindigeŋ ge yeŋbe, ‘Neŋbe igiŋ wor po hite. Mataniniŋbe igiŋ po teŋ hityen geb, mata igiŋ hoyan kura neŋ titekbe hubu,’ yeŋ haŋyen. Goyenpoga deŋbe al bunineŋ wor po, mata igiŋ kura deŋ hitte ma hi goyen bebak ma teŋ haŋ! Deŋbe kaŋaŋ mar, kupsoŋ heŋ kuŋ haŋ, irde diltiŋ titmiŋ yeŋ deneŋ hime.

¹⁸ Niṅgeb ne hitte mat gol hora* kakde kumga tike igiṅ wor po hitiṅ goyen damu tinaṅ dinen hime. Gogab Al Kurunṅ dilingde samunṅiṅ yaṅ mar wor po henayiṅ. Irde amil faykek† ne hitte damu tinaṅ dinen hime. Gogab kupsoṅ heṅ memyak hitiṅ haṅ goyen amil gore ulṅiṅ aw duryeṅ. Irde diltiṅ titmiṅ go sope yird yird goke he fiṅiṅ kura ne hitte damu tinaṅ dinen hime. Gogab igiṅ naṅkenniayiṅ.

¹⁹ Nebe al kura bubulkuṅne wor po yeṅ nurde yuneṅ himyen marbe bulunṅ tike goke yineṅ teṅ saba yirde himyen. Niṅgeb mata igiṅ gama yird yird mata goke po nurde hinayiṅ. Irde mata bulunṅiṅ yubul teṅ yeṅ ge bitinṅ mulgaṅ hiyyeṅ.

²⁰ Ga nurnaṅ! Nebe yamere huwarde yame mayde hime. Al kura merene nurde yame degelde nunkeb bana goṅ hurkuṅbe yenya dula teṅ yenya hireṅ.

²¹ Niṅgeb al kura mata bulunya kandukya goyen fole yirnayiṅ marbe ne beleṅ al bulunṅ fole irde deṅne yaṅ wor po heṅ Adoneya har gwahade goyen po, yeṅ wor doyaṅ mar karkuwaṅ heṅ neya heṅ heṅ saṅiṅ goyen yuneṅ.

²² Al kirmiṅ miṅyaṅ marbe Holi Spirit beleṅ sios mere momoṅ yirde hi goyen nurde bebak tinaṅ ko,” yiriṅ.

4

* **3:18:** Al Kurunṅ dilingde mata igiṅ wor po goke yitiṅ. † **3:18:** Amil faykekbe mata huwak wukkenṅ wor po goke yitiṅ.

Al Kurunyen gasunđe niŋ taun goke yiriŋ

¹ Be, al gore gwaha yiriŋ go kamereb Al Kurunyen gasunđe hurkuŋ hurkuŋ yame figiltiŋ hinhin goyen forok yeke kinmiriŋ. Irkeb al melak kura haŋkapyɔ bigul mere titiŋ yara nurmiriŋ goyen gore po, “Hende gar waya. Irkeb kame mata dahade forok yenayiŋ goyen gikala gireŋ,” ninyiŋ.

² Irkeb goya goyen po Holi Spirit belei taren po ketal nuryiŋ. Irkeb kemne mat Al Kurunyen gasuŋ bana Doyaŋ Al Kurunyen keperd keperd gasunđe al kura keperde hike kinmiriŋ.

³ Doyaŋ Al Kurunyen keperd keperd gasunđe gor keperde hinhin al gote dɪnsokbe yaspa horaya hora bukken konilian inen hanyen go gwahade yara agat urde hinhin. Irde gamatsaw belei keperd keperd gasuŋ go milgu irtiŋ goyen kinmiriŋ. Gamatsaw gobe hora digulak emeral inen hanyen gwahade yara melak heŋ hinhin.

⁴ Be, Doyaŋ Al Kurunyen keperd keperd gasuŋ go siŋakyanbe doyaŋ marte keperd keperd gasuŋ 24 gore milgu irtiŋ hinhan. Go herenbe Al Kurunyen alya bereyat doyaŋ mar parguwak 24 belei kipirtiŋde hinhan. Mel gobe amil fayken hor yirde tonanɔdebe doyaŋ alyen tonanɔhor yirtiŋ hinhan.

⁵ Be, Doyaŋ Al Kurunyen keperd keperd gasunđe matbe dagamel ten daga katen hururuŋ ten hinhin. Keperd keperd gasuŋ goyen diliŋ marbe hulsi 7 belei melak heŋ toltol yen hinhan. Hulsi 7 gobe Holi Spirit mata wukken wor po 7 miŋyan go goyen.

⁶ Irde makan ala galas belei po irtiŋ yara

wukkenj wor po goyen wor keperd keperd gasuñ go diliñ mar belej hinhin.

Be, doyañ mar 24 gote keperd keperd gasuñ Doyañ Al Kurunyen keperd keperd gasuñ milgu irtin goyen kahal banabe det binfut minyañ Al Kuruñ belej yirtin kura sipte hinhan. Det gote binya harhokya belejbe diliñ belej po sam yirtin hinhan.

⁷ Det binfut minyañ goyen kurabe laion yara kinmirin. Kurabe bulmakaw yara, irde kurate kimiñbe al kimiñ yara kinmirin. Irde funañbe buntuluñ naña kota foy titin yara gor hike kinmirin.

⁸ Det binfut minyañ sipte goyen yunjkuren yunjkurenbe tapen 6 minyañ hinhan. Irde ulin piñbe diliñ belej po tumñañ sam yirtin hinhan. Tapen yufuk bana manañ diliñ belej sam yirtin hinhan. Det binfut minyañ gobe nañkahalya wawunya huginen gaha yen hinhan:

“Al wukkenj, al wukkenj,

Doyañ Al Kuruñbe al wukkenj wor po.

Al Kuruñ tarenmin kuruñ wor po gobe

bikken hinhin, gayenter hi,

irde kame wayyen,” yen hinhan.

⁹ Det binfut minyañ gore Doyañ Al Kurunyen keperd keperd gasunde keperde heñ gwahader hitin al goyen deñem turuñ yañ irde isoka irde metenmin goke igin nurd unen hinhan.

¹⁰ Gwaha ten hike goya goyenbe Al Kurunyen alya bereyat doyañ mar parguwak 24 belejbe Doyañ Al Kurunyen gasunde keperde hinhin al gote diliñ mar urguñ kañ gwahader hitin al goyen dolon irde hinhan. Mel gobe doyañ mar karkuwande

tonaṅhormiṅ goyen yugu teṅ Doyaṅ Al Kurunyen keperd keperd gasuṅ goyen kahaṅ miṅde yerdeb gaha yeṅ hinhan:

¹¹ “Gebe Doyaṅ Al Kurunniniṅ, irde Al Kurunniniṅ.

Ge belen po ga det kurun gayen yirariṅ.

Dufayge po gama irde det kurun gayen forok yirariṅ.

Niṅgeb deṅe turuṅ yaṅya saṅiṅ kurunya tetek po ha.

Irde palap girtek po ha,” yeṅ hinhan.

5

Asanya Sipsip al diriṅ diriṅnya

¹ Be, go kamereb Doyaṅ Al Kurunyen keperd keperd gasuṅde kipirtiṅ hinhin al gote hanin yase banabe asaṅ sobam bili irtiṅ kura goyen tanarde hike kinmiriṅ. Asaṅ gobe harhok belenya biṅ belenya tumṅaṅ katiṅ, irde det unṅuni yara goyen 7 yade asaṅ bili irtiṅde gor saṅiṅ yirtiṅ hinhan.

² Be, nebe Al Kurunyen miyoṅ tareṅmiṅ kurun wor po kura gore hokde, “Ganuṅ al belen det unṅuni yara asaṅ yulyaṅen bili irtiṅde taga yurtiṅ goyen epte yukala teṅ asaṅ go digilyen?” yeke kinmiriṅ.

³ Goyenpoga al gore kura asaṅ ulyaṅ go epte degeltek moṅ. Asaṅ goyen bana keneṅ keneṅ manan epte moṅ. Al Kurunyen gasuṅde niṅ, megen niṅ, megen biṅ bana niṅ al ma det kura belen epte ma asaṅ go degelde kenteṅ hinhan.

⁴ Irkeb al wukkek wor po kura gore asañ goyen epte degelde go binde kentek minmonj wor po kenenbe goke esitiñde hinhem.

⁵ Irkeb Al Kurunyen alya bereyat doyañ marte parguwak kura beleş, “Eseñ ma yo! Yekop urminj kura Yuda, deñem kurabe Laion inenj hanjen gote dari gama irde forok yirinj al gobe Dewityen minde mat watinj. Yenbe asogom al bulunj goyen fole irtinj. Al gore gab det unguni yara beleş asañ sobam bili irde tareñ yirtinj det 7 goyen epte yukala teñ digilyeñ,” ninyin.

⁶ Be, go kamereb al kura Sipsip al dirinj dirnenj go gwahade yara kinmirinj. Sipsip go kenenminbe bikkenj mayke kamtinj yara kinmirinj. Be, Sipsip dirnenj go Doyañ Al Kurunyen keperd keperd gasunj kahalte wor po gor huwarde hinhin. Keperd keperd gasunj goyen sinakyanbe det binfut minyanj sipteya Al Kurunyen alya bereyat doyañ marte parguwakya beleş milgu irtinj hinhan. Sipsip dirnenj gote hirkambe 7, irde dilinj wor 7 hinhan. Dilinj 7 gobe Holi Spirityen mata wukkek wor po 7 minyanj go goyen. Holi Spirit gobe Al Kurunj beleş alya bereya megen hanj kurunj goke teñ kerke kurinj.

⁷ Be, Sipsip dirnenj gore Doyañ Al Kurunyen keperd keperd gasunde hinhin al go hitte kunj hanin yase bana asañ ulyañ bili irde unguni po sanin irtinj hinhin goyen tirinj.

⁸ Be, yeñ beleş asañ go tekeb det binfut minyanj sipte goya Al Kurunyen alya bereyat doyañ marte parguwak 24 gore Sipsip dirnenj kimin mat urgunj kayaminj. Urgunj kayaminj mar gobe yunjkurenj

yuŋkureŋ tikiŋde niŋ det hap inenŋ hanŋen goyen nende gigen yanartiŋ hinhan. Irde koronŋ gol hora belenŋ po yirtiŋ goyen wor yanartiŋ hinhan. Koronŋ bana gonbe det hamiŋ igiŋ muŋ wor po go goyen miŋyaŋ hinhan. Det hamiŋ igiŋ muŋ wor po gobe Al Kurunŋen alya bereya belenŋ Al Kurunŋ mere irde hanŋen go goyen.

⁹ Be, mel gobe tikiŋde niŋ det hap inenŋ hanŋen goya koronŋ gol hora belenŋ yirtiŋ goyen yanarde tikiŋ gergenŋ kura hamiŋ. Tikiŋmiŋbe gahade:

“Gebe mugunke kamariŋ.

Irde darige wok yitiŋ go hende harde alya bereya Al Kurunŋ hitte yumulgaŋ tiyariŋ.

Alya bereya gobe miŋ kurayen kurayen, meremiŋ kurayen kurayen, dari miŋ kurayen kurayen, naŋa kurar niŋ kura niŋ yumulgaŋ tiyariŋ.

Goke tenbe ge belenŋ po gab epte asaŋ goyen ten degelayiŋ.

¹⁰ Ge belenŋ mel goyen alya bereya Al Kurunŋ belenŋ doyaŋ yird yird mar yirariŋ.

Irde Al Kurunŋ doloŋ ird ird mata doyaŋ mar yirariŋ.

Irkeb yeŋ belenŋ det kurunŋ megen haŋ kurunŋ goyen doyaŋ yirde hinayiŋ,” yamiŋ.

¹¹ Be, go kamereb nebe Al Kurunŋen miyoŋ budam wor po epte ma kapyanŋ hetek goyen yenenbe meremiŋ manaŋ nurmiriŋ. Miyoŋ goreb Doyaŋ Al Kurunŋen keperd keperd gasuŋ, det biŋfut miŋyaŋ sipte goyen, irde Al Kurunŋen alya bereyat doyaŋ marte parguwak goyen milgu yiramiŋ.

12 Irdeb hokde po tikiŋ gahade hamiŋ:
 “Sipsip dirŋeŋ mayke kamyiŋ gore po gab epte
 saŋiŋ tetek hi.
 Irde epte Al Kurunyen samuŋ tumŋaŋ igiŋ
 yawartek hi.
 Dufay wukkek, saŋiŋ, deŋe turŋuŋ yaŋ goyen igiŋ
 yende hetek hi.
 Irde palap irde isoka irtek albe ge po,” yamiŋ.

13 Be, go kamereb det kurun gayen tumŋaŋ
 tikiŋ heŋ hinhan. Naŋkiŋde niŋ, megen niŋ,
 megen biŋ bana niŋ, irde makaŋde niŋ det kurun
 goreb gahade tikiŋ hamiŋ:

“Doyaŋ Al Kurunyen keperd keperd gasuŋde
 kipirtiŋ hi al goya Sipsip dirŋeŋya goyen
 isoka yirde palap yirde
 deŋe turŋuŋ yaŋ yirde tareŋ kurun gobe
 gwahader yeŋ po yuneŋ hitek,” yamiŋ.

14 Irkeb det biŋfut miŋyaŋ sipte gore wol heŋbe,
 “Fudinde wor po,” yamiŋ. Irkeb Al Kurunyen
 alya bereyat doyaŋ marte parguwak beleŋ dokol-
 hoŋ yuguluŋ teŋ urguŋ kaŋbe Al Kurunya Sipsip
 dirŋeŋya goyen doloŋ yiramiŋ.

6

*Asaŋ bili irde tareŋ yirtiŋ unguni goyen yukala
 teŋ asaŋ go digilyiŋ*

1 Be, go kamereb Sipsip dirŋeŋ beleŋ asaŋ bili
 irde unguni 7 po saŋiŋ yirtiŋ goyen unkuŋeŋmiŋ
 ukala tiyyiŋ goyen kinmiriŋ. Irkeb det biŋfut
 miŋyaŋ sipte hinhan goyen unkuŋeŋ kura beleŋ
 “Waya!” yiriŋ. Mere tiyyiŋ gobe daga migiriŋ
 yara tiyyiŋ.

² Irkeb hos faykek kura goyen forok yeke kinmiriñ. Al kura hos go hende hinhin al gobe hite haniñde manañ hinhin. Irde doyañ alyen tonañhor hor irde untiñ. Irkeb megeñ hike kwa kuruj goyen bana goñ kuñ fulenja tiyyiñ. Yeñ belen po megenya alya yad yad niñ teñ hos hende kuriñ.

³ Be, Sipsip dirneñ belen unguni kura sopte ukala tikeb det biñfut miñyañ sipte goyen kura belen wor sopte, “Waya!” yeke nurmiriñ.

⁴ Be, gwaha yekeb hos hoyañ kura forok yiriñ. Hos gobe bukkenhel yitiñ wor po. Hos go hende keperde hinhin al gobe alya bereya megen hañ gayen biñ kamke awalikde heñ heñ mata goyen teñ siña irke al yiñgeñ uliñ kadom muguneñ teñ kamde kamde sañiñ untiñ. Irde fulenare niñ bidila kuruj kura goyen wor untiñ.

⁵ Be, Sipsip dirneñ belen unguni tareñ yiriñ 7 bana goyen karwomiñ ukala tikeb det biñfut miñyañ sipte goyen hoyañ kura belen wor, “Waya!” yeke nurmiriñ. Be, gwaha yekeb hos kura delne mar forok yeke kinmiriñ. Hos gobe halkeñ wor po. Hos go hende keperde hinhin al gobe det kanduk tunañ teñ teñ det kura haniñde tanartiñ hinhin.

⁶ Irkeb det biñfut miñyañ sipte hinhan bana goñ mat al melak kura forok yeke nurmiriñ. Merebe gahade: “Albe meten teñ hinayiñ gega, biñgebe budam ma forok yeñ hinayiñ. Irkeb naña fay unkuñeñ bana meten teñ muruñgem teñ hinayiñ gote hora gore biñge damu teñ hinayiñ gega, biñge budam ma yade hinayiñ. Niñgeb

biŋge damu tiniŋ yeŋ wit damu teŋ hinayiŋbe koronj dirŋeŋ uŋkureŋ gwahade po teŋ hinayiŋ, munanj bali damu teŋ hinayiŋbe koronj mukŋeŋ karwo gwahade po yade hinayiŋ. Goyenbe mel gore olip fimiŋya wain fimiŋyabe igiŋ yawar-nayiŋ geb, olip heya wain heyabe buluŋ ma yirayiŋ,” yiriŋ.

⁷ Be, Sipsip dirŋeŋ belenj uŋguni tareŋ yirtiŋ 7 bana goyen siptemiŋ ukala tikeb det binfut miŋyanj sipte hinhan goyen funanj belenj, “Waya!” yeke nurmiriŋ.

⁸ Be, gwaha yekeb hos kura delne mar forok yeke kinmiriŋ. Hos gobe wulsakkeŋ. Hos go hende keperde hinhin al gote deŋembe Kamde Kamde. Yeŋ hos hende waŋ hikeb Al Metebe harhokde go po bindere gama irde waŋ hike kinmiriŋ. Al irawa gobe alya bereya megen hanj kurunj gayen pota yirke buda sipte hekeb buda uŋkureŋbe buluŋ yirke kamde kamde saŋiŋ yun-tiŋ. Niŋgeb buda uŋkureŋ goyen bana al kurabe fulenjare niŋ bidilare kamnayiŋ, biŋge kamde kamnayiŋ, kurabe garbam heŋ kamnayiŋ, irde kurabe dapŋa duwi kafuram wor po gore gasa yirke kamnayiŋ.

⁹ Be, Sipsip dirŋeŋ belenj uŋguni saŋiŋ yirtiŋ 7 bana gonj siptesononjiŋ goyen ukala tiyyiŋ. Irkeb al buda kura Al Kurunyen mere gama irde tagalde kuŋ hike gasa yirke kamamiŋ mar gote tonenbe Al Kurunj galak ird ird alta yufukde hike yinmiriŋ.

¹⁰ Mel gore hokde po, “Doyan Al Kurunj, tareŋgebe kurunj wor po. Gebe wukkeŋ wor po,

irde meregebe fudinde wor po. Goyenbe megen haɗ mar beɓe mudunke kamtirin goyen goke daha naɗa gab merere yerde matamin gote murɓem bulun goyen wol heɗ yunayin? Sobamde po doyan hetek we?" inamin.

¹¹ Irde mel gobe yunƙuren yunƙuren amil fayken nende gigen yuntin. Irdeb, "Deɗ mudunke kamamin gwahade goyen po, Doyan Al Kurunya heɗ kadin yago hitin marya Doyan Al Kuruyen meten mar kadin hitin goyen wor gasa yirke kamde hinayin goyen kun kun budam heɗ ep heke gab muduntin mar goyen merere huwarnayin geb, goke doyan heɗ hinayin. Go nalu gobe ulyande ma hikeya forok yiyyen," yinke nuramin.

¹² Be, Sipsip dirnen beɓe unguni taren yirtin 7 bana goyen 6min ukala tiyyin goyen kinmirin. Irkeb niniɗa kurun wor po forok yirin. Naɗabe kidoma bulun po hirin. Gobe meme sikken halken wor po gore ulinhor irtin gwahade yara hirin. Irde gagasibe dari yara bukkenhel wor po hirin.

¹³ Irde dinambe yagobe nanƙinde mat suk yen megen katamin. Dinambe gobe meɗe kurun harde fik he iginen hanƙapok fuguru tike megen katen hanyen go gwahade tiyamin.

¹⁴ Nanƙinbe asan sobam bili irtin yara bili irke hubu hirin. Duguya motmotyabe tumnan gasannde mat yade hoyande yirtin.

¹⁵ Irkeb megen nin doyan mar karkuwan, doyan mar, fulenɗa marte doyan mar karkuwan, al horam yan mar, sanin minyan mar, al kurate

yufuk bana heñ muruŋgem moñ dulin meten ten han maryabe yinŋen dufayminde han marya tunŋan busaharde duguyan hurkuñ horabok bana hinhan, irde kurabe hora karkuwan kahalte mabok binde hinhan.

¹⁶⁻¹⁷ Mel gobe duguya hora karkuwanya goyen mabokde heñbe, “Doyan Al Kurunyen keperd keperd gasunde keperde hi al goya Sipsip dirnanya gote bearar goyen ganuñ mar beles epte sanin heñ fole irnayin? Hubu wor po! Niñgeb den duguya hora karkuwanya, neñ hende katnan. Irdeb Doyan Al Kurunyen keperd keperd gasunde keperde hi al gote dilinde hitek moñ geb, bana dernan. Irkeb Sipsip dirnen gote bearar go ma kentek,” yamin.

7

Alya bereya 144,000 goyen basina yiriyin

¹ Be, go kamereb Al Kurunyen miyon sipte beles megen muruñ kurhan kurhan huwarde hike yinmirin. Miyonmin sipte gobe mongo mene huwarde megenya makanyabe heya bulun yiryenkek yenbe mene belnen sipte goyen pet ten hinhan.

² Irke Al Kurunyen miyon hoyan kura nanan wan beles mat wan hike kinmirin. Yenbe alya bereya Al Kurun gwahader hitin beles basina yiriyin goyen kiminde son yird yirdde nin det goyen minyan wake kinmirin. Be, miyon gore miyon sipte, megenya makanya bulun yirtek taren yuntin goyen kuware po hoy yirdeb yinyin.

³ “Neñ beleñ Al Kuruninin gote meten mar kimiñde soñ yird yird goyen pasi irteke gab megen, maƙanya heya goyen gwamuñ yurnayin,” yinyin.

⁴ Irde alya bereya Al Kurunyen meten mar kimiñde soñ yirtin goyen kapyan heñ pasi irdeb, “Soñ yirtin mar tumɗanbe 144,000,” yeke nurmirin. Kimiñde soñ yirtin mar gobe Israel mar al miñ 12 bana mat watin.

⁵ Go mar gobe gahade:

Yuda miñde niñbe 12,000,
 Ruben miñde niñbe 12,000,
 Gat miñde niñbe 12,000,

⁶ Aser miñde niñbe 12,000,
 Naptali miñde niñbe 12,000,
 Manase miñde niñbe 12,000,

⁷ Simeon miñde niñbe 12,000,
 Liwai miñde niñbe 12,000,
 Isakar miñde niñbe 12,000,

⁸ Sebulun miñde niñbe 12,000,
 Yosep miñde niñbe 12,000,
 Benyamin miñde niñbe 12,000.

Al buda kurun beleñ Al Kurun dolon iramin

⁹ Be, go kamereb al buda kurun wor po epte ma kapyan hetek goyen delne mar forok yeke yinmirin. Mel gobe naña karkuwan karkuwan, miñ kurayen kurayen, sikken umña kurayen kurayen, irde merem kurayen kurayende mat watin. Mel gobe amil fayken hor yirdeb Doyan Al Kurunyen

keperd keperd gasunya Sipsip dirñenyat diliñ mar huwarde patila yuwalñeñ yanarde hinhan.*

¹⁰ Irde kuware po,

“Dumulgañ tej tej mata gobe Al Kurunñiniñya Sipsip dirñenya hitte mat watiñ.

Al Kurunñbe Doyañ Al Kurunñen gasunñde keperde hi!” yamiñ.

¹¹ Be, Al Kurunñen miyoñ beleñ tumñañ Doyañ Al Kurunñen keperd keperd gasunya Al Kurunñen alya bereyat doyañ marte parguwakyabe det binfut miñyañ sipteya goyen gote harhokde huwarde milgu yiramiñ. Irdeb Doyañ Al Kurunñen keperd keperd gasunñ beleñ goñ diliñ mar wulgurut yeñ kimiñ megen irde Al Kurunñ dolon iramiñ.

¹² Dolon irde henyañbe gaha yamiñ:

“Fudinde wor po!

Al Kurunñ isoka irde denem turnunñ yañ irde hitek! Dufay wukkekyatarenya sañiñyabe hugiñeñ

Al Kurunñiniñde po henayiñ.

Yeñ po ga igiñ nurd uneñ palap irde hitek!

Fudinde wor po!” yamiñ.

¹³ Be, go kamereb Al Kurunñen alya bereyat doyañ marte parguwak 24 bana goñ niñ al kura beleñ, “Al buda amil faykeñ hor yirtiñ mar gabe ganuñ? Irde mel gabe damde mat watiñ?” ninen gusunñ niryiñ.

¹⁴ Irkeb ne beleñ wol henñbe, “Doyañ al, gebe nurde ha,” inmiriñ. Irkeb yeñ beleñ, “Al buda gabe kanduk kurunñ yeneñ hinhan gega, sañiñ heñ watiñ mar. Mel gabe amil hor yirtiñ goyen

* **7:9:** Patila yuwalñeñbe al bulunñ fole irtinñ goke yitiñ.

Sipsip dirɓenɗe dari beɓen po halde faykek wor po yiramiɓ.

¹⁵ Gwahade niɓgeb mel gore Al Kurunyen ya balem bana heɓ Doyaɓ Al Kurunyen keperd keperd gasuɗde goɓ diliɓ mar naɓkahalya wawuɓya doloɓ ird ird mata teɓ hanɓyen. Irkeb Doyaɓ Al Kurunyen keperd keperd gasuɗde keperde hi al gore mel goya heɓ yufukde yerde doyaɓ yirde hiyen.

¹⁶ Irkeb mel gobe sopte biɓge ma kamnayaɓ, irde fe niɓ ma yiryen. Irde naɓa ma, kak uka wor po kura gore epte ma buluɓ yiryen.

¹⁷ Gobe Sipsip dirɓenɗ, Doyaɓ Al Kurunyen keperd keperd gasuɓ kahalte hi al gore sipsip doyaɓ al yara heɓ mel go doyaɓ yirde hiyen geb, epte ma buluɓ henayaɓ. Yen beɓen mel go bul yirde Al Kurunya hugiɓenɗ heɓ heɓ fe forok yen hanɓyen gasuɓyaɓ yukuyen. Irkeb Al Kurun beɓen mel gote diliɓ fimiɓ tumɓaɓ halde yunyen,” niɓyeniɓ.

8

Asaɓ bili irtin unguni tareɓ yirtin goyen funaɓ ukala tiyyin

¹ Be, Sipsip dirɓenɗ beɓen asaɓ ulyaɓ bili irtin goyen unguni tareɓ yirtin 7 bana goyen funaɓmiɓ ukala tiyyin. Irkeb 30 minit gwahade Al Kurunyen gasuɗde migiriɓ miɓmoɓ, diɓden iraminiɓ.

² Go kamareb Al Kurun diliɓ mar miyoɓ 7 huwarde hanɓyen goyen yinmiriɓ. Miyoɓ gobe bigul 7 yunke yanaraminiɓ.

³ Irkeb Al Kurunyen miyon hoyan kura belen det hamnen yan kumba ten tenje nin koron gol hora belen po irtin goyen tenbe Al Kurun galak ird ird alta dilin mar huwaryin. Yenbe Doyan Al Kurunyen keperd keperd gasun dilin mar alta gol po irtin go hende det hamnen igin kumba ten ten goyen kurun po yawaryin. Gobe Al Kurunyen alya bereya mere irde hanjen mar goya gabu yirde Al Kurun galak ire yenbe gogo tiyyin.

⁴ Irdeb det hamnen yan goyen kumba tike kaki goya Al Kurunyen alya bereya belen mere irde hanjen goya tumnan gabu hen Al Kurun hitte hurkurin.

⁵ Irke gab miyon gore det hamnen kumba ten tenje nin koron goyen tenbe alta hende kak hinhin goyen faryin. Irdeb goyen ten megen timiyyin. Irkeb dagamel ten daga katen hururun ten niniya tiyyin.

Bigul 7 mere tiyamin

⁶ Be, gor matbe hanƙarya Al Kurunyen miyon 7 gore bigul 7 yawaramin goyen fu yirnin tiyamin.

⁷ Be, miyon 7 bana goyen mehenje nin gore wa bigulmin fu iryin. Irkeb kigarin bilmin hora yara goya kak dariya suluk irtinya goyen kigarin kattin yara kurun po katyin. Irkeb megen kurun gayen kurar kurar humga kurin. Humga kurin gobe megen gayen patke karwo hiyyen, irde unƙurenbe humga kuyen go gwahade hirin. Irde he megen han manan gwahade po tiyamin. Irde yamunbe tumnan humga kwamin.

⁸ Be, go kamereb miyon 7 bana gon hoyan kura belen bigulmin fu iryin. Gwaha irkeb det kura

dugu kurun kak humga kun hinhin yara goyen makan alare timiytin kinmirin. Irkeb makan ala kurun kurhanbe dari hirin. Gobe makan ala pota yirke karwo hitin goyen unjkurenbe dari hiyyen go gwahade goyen.

⁹ Irkeb makannde nin det binfut minyan pota irde buda karwo yirtin bana gon buda unjkurenbe tunnan kamamin. Irde hakwa yago manan pota irde buda karwo yirtin bana gon buda unjkurenbe gwamun yuryen go gwahade yiryin.

¹⁰ Be, go kamereb Al Kurunyen miyon 7 bana gon karwomin belen bigulmin fu iryin. Gwaha irkeb dinambe kurun milin wor po hulsi melak hen hi yara gore nan kinde mat fe karkuwanya fe muknenya hende katyin. Gobe fe karkuwanya fe muknenya gabu yirde buda karwo yirtin bana buda unjkuren go hende katyen go gwahade goyen.

¹¹ Dinambe gote denembe “Urek”. Dinambe gore katkeb fe buda gobe urek hamin. Irke al budam wor po fe urek hitin go nene kamamin.

¹² Be, go kamereb miyon 7 bana gon siptemin belen bigulmin fu iryin. Irkeb nana dila goyen paten karwo irke unjkurenbe det kura belen mayke aymuk iryin. Gagasiya dinambe yagoya manan gwahade po bulun hamin. Irkeb sanjinminbe sanjin hen han kapa agat urde han yen go gwahade mon, kidomak hirin. Ningeb nana fay bana gon nana kenkela ma temeyde hinhin, kidomak po hinhin. Wawun wor gagasiya dinam-beya kenkela ma temeyde hinhan, kidoma bulun po hinhin.

13 Be, go kamereb buntulun kura naɗa kota hende hoyan foy teɗ hike kinmiriɗ. Buntulun gore hokde po, “Mata kafuram wor po! Mata kafuram wor po! Al Kurunyen miyon hoyan karwo haɗ gore bigulmiɗ fu yirkeɓ mata alya bereya megen haɗ mar hitte forok yenayiɗ gobe kafuram wor po!” yiriɗ.

9

1 Be, go kamereb Al Kurunyen miyon 7 bana goɗ siptesoɗoɗmiɗ beɗeɗ bigulmiɗ fu iryiɗ. Irkeɓ dinambe kura bikkeɗ naɗkiɗde mat megen katiyiɗ goyen kinmiriɗ. Dinambe gobe mete dukun wor po kimyan minɗon bana goɗ kurkun kurkun yame hol ird irdde niɗ ki untiɗ.

2 Irkeɓ dinambe gore mete dukun wor po bana goɗ kurkun kurkun yame hol iryiɗ. Irkeɓ kaki beɗeɗ kak tupi kurunɗe mat kaki waɗ hiyen go gwahade goyen pul yeɗ wayyiɗ. Mete dukun wor po bana mat kaki watiɗ gore naɗa diliɗya naɗkiɗya pet tike kidoma hiriɗ.

3 Irkeɓ gusu budam wor po kaki bana mat megen kateɗ hinhan. Gusu gobe misiɗ kalpan beɗeɗ al yiseɗ hanɗen gote tareɗ yara yuntiɗ.

4 Gusu gobe yamuɗya busa asanyabe he yago megen haɗ goyen bulun ma yirnayiɗ yintiɗ. Gega alya bereya Al Kurun beɗeɗ kimiɗde soɗ ma yirtiɗ mar go po ga yisinayiɗ yintiɗ.

5 Goyenpoga gusu gobe al yisike kamde kamde saɗiɗ ma yuntiɗ. Yisike gagasi siptesoɗoɗ bana uliɗ misiɗ kurun po kattek tareɗ po yuntiɗ. Uliɗ misiɗ bulun po katnayiɗ gobe misiɗ kalpan kura

gore al yisike misin̄ bulun̄ po nurde han̄yen go gwahade goyen.

⁶ Gusu beleȳ yisike gagasi siptesoṅṅ ulin̄ misin̄ bulun̄ po kateṅ hinayin̄ya gobe kamde kamde nin̄ wor po nurde hinayin̄ gega ma kamnayin̄. Mel̄ gobe kamtek wor po yirde hiyen̄ gega, kamde kamde beleȳ yenen̄ yilwa yiryen̄.

⁷ Be, gusu gobe fulen̄are kuṅ kuṅ nin̄ hos yara gitik yirtin̄ yinmirin̄. Gusu go tonan̄ hendebe det kura doyan̄ al kurun̄yen tonan̄hor gol beleȳ po yirtin̄ goyen hor yirtin̄ hinhan. Irde dinsokbe alyen̄ yara yinmirin̄.

⁸ Irde tonan̄ yuwalṅen̄be sobam bereyen yara hinhan. Irde misin̄be dapṅa kafuram wor po kura laion gote misin̄ yara yinmirin̄.

⁹ Irde dumun̄debe dari mala pet teṅ teṅde nin̄ det ain̄ parwek goyen yirtin̄. Irde foy teṅ kuṅ hike tapen̄ gote migirin̄be kurun̄ wor po. Migirin̄ gobe fulen̄are nin̄ nima hos beleȳ yulun̄ teṅ han̄yen budam wor po fulen̄are kuṅ hike nan̄a migirin̄ kurun̄ wor po forok yeṅ han̄yen go gwahade goyen.

¹⁰ Gusu buda gobe gifirin̄ manan̄, irde gifirin̄ murun̄de gorbe misin̄ kalpan̄ gote misin̄ hinhan. Gifirin̄ murun̄de gorbe al yisike gagasi siptesoṅṅ ulin̄ misin̄ kattek san̄in̄ min̄yan̄.

¹¹ Be, gusu goyen doyan̄ yird yird al kura hinhin. Al gobe Satanyen̄ miyon̄, mete dukun̄ bana wor po mat watin̄ al. Deṅembe Hiburu mere mat Abadon, munan̄ Grik mere matbe Apolion.*

* **9:11:** Abadonya Apolionyat min̄be gwamun̄ yurd yurd al.

¹² Be, mata kafuram mehenɗe niɗ wor pobe gago fole tike hubu hihi. Mata kafuram irawabe kame forok yereɗ taɗar.

¹³ Be, Al Kurunyen miyon 7 bana goɗ 6min gore bigulmin ɗu iryin. Irkeb Al Kurun galak ird ird alta gol beɗ po irde Al Kurun dilin mar hitin gote murun sipte kurhan kurhan goɗ hirkam hinhande matbe al melak kura forok yeke nurmirin.

¹⁴ Al melak gore miyon gayamuɗ ga bigul ɗu iryin goyen, “Satanyen miyon sipte Yufretis fe bana fere yirtin goyen yad siɗa yirayin,” inyin.

¹⁵ Irkeb Al Kurunyen miyon gore Satanyen miyon sipte fere yirtin koyare hinhan goyen yad siɗa yiryin. Miyon sipte gobe koyare heɗ heɗbe megen niɗ alya bereya pota yirde buda karwo yirtin bana goɗ buda unɗkureɗ gasa yirke kamnayin yeɗ nalu kirtin goyen forok yekeɗ gogo yad siɗa yiryin.

¹⁶ Be, fulenɗa mar hos hende kuɗ hinhan gobe 200 milion gwahade yeke nurmirin.

¹⁷ Be, hosya go hende kuɗ hinhan marya goyen yuwarwarte yinmirinɗe gahade: dari mala pet teɗ teɗe niɗ det ain parwek dumunɗe yirtin gobe bukkeɗhel yitin, irde kurabe digulakya halkenya muɗ kura suluk irtin, irde kurabe wul-sakkeɗ salfa hora gwahade yara yirtin. Hos gote tonanɗe laionyen tonan yara. Mohonɗe matbe kak, kakiya salfa hora uka wor po heɗ buk yitinɗa goyen waɗ hike yinmirin.

¹⁸ Hos go mohonɗe mat det bulun karwo kak, kakiya salfa hora uka wor po heɗ buk yitinɗa

gore alya bereya megen haɗ goyen budam wor po gasa yirke kamamiɗ. Kamamiɗ mar gobe megen niɗ al tumɗaɗ pota yirde buda karwo heke buda uɗkurenɓe gasa yirke kamnayiɗ go gwahade goyen.

¹⁹ Hos gote tarenɓe mohonya gifiriɗya goyenter hinhin. Gifiriɗbe kunere yara, irde muruɗ belenɓe kunere tonan minyan ala. Gifiriɗ gore al gasa yirde dagim yan yirde hinhan.

²⁰ Be, alya bereya det buluɗ karwo kak, kakiya salfa hora buk yitiɗ hos mohonde mat waɗ hinhan gore ma gasa yirke kamamiɗ mar gobe yiɗgen mata buluɗ ten hitiɗ goyen yubul ma ten Al Kurunɗ niɗ biɗ mulgan ma hamiɗ. Go mar gobe uɗgura doloɗ yird yird mataya det toneɗ gol, silwa, baras, horayab heya belen po yirtiɗ goyen doloɗ yird yird mataya goyen bada ma hamiɗ. Det toneɗ gobe epte ma nanɗkennayiɗ, mere ma nurnayiɗ, irde kuɗ waɗ ma tinayiɗ gega, Al Kurunɗniniɗ yen nurde doloɗ yirde hanɗen.

²¹ Irde al gasa yirke kamde kamde mata, merebal kurayen kurayen, leplep matayabe kawe mataya ten haɗ goke Al Kurunɗ pohogay irde yen ge biɗ mulgan ma hamiɗ.

10

Al Kurunɗen miyoɗ kuraya asanɗ bili irtiɗ dirɗen kura goya

¹ Be, go kamereb Al Kurunɗen miyoɗ hoyan kura tarenmiɗ kurunɗ wor po gore Al Kurunɗen gasunde mat megen katen hike kinmiriɗ. Yenɓe kigariɗkiɗ faykek wor po belen aw urtiɗ, irde

gamatsawbe tonan hende hinhin. Tonan hende hinhin goyenbe tonan sisan ma urde hinhin. Kiminbe nana timiytin yara agat urde hinhin. Irde kahanbe hora beles po tola yirtin humga kun buk yen hanjen go gwahade hinhin.

² Haniindebe asan sobam bili irtin dirnen kura goyen digiltin hinhin. Irde kahan yasebe makan alare huwardeb kahan tapabe sin fudinde huwaryin.

³ Irdeb laion beles mere kurun po ten hanjen yara kuware wor po mere tiyyin. Gwaha tike gab daga 7 mere tiyamin.

⁴ Daga 7 mere tikeb ne beles meremin goyen asande kayen timirin. Gega al melak kura forok yenbe, “Daga 7 mere tahan goyen goya ma kayayin, mere gobe banare po hinayin,” ninyin.

⁵ Be, Al Kurunen miyon makan alareya megenya huwarde hike kinmirin gore Al Kurun palap ire yen hanjen yase isan hiri.

⁶ Irdeb Al Kurun den urdeb bin sanin po tiyyin. Al Kurun, huginen hiyen al, nanjin, megen, makanyabe det kurun gayen yiryin al gote den urde bin tenyabe, “Al Kurun beles dufaymin bikken kiryin gote iginenbe hen ga mon forok yiyyen. Nalu singir singir ma iryen!

⁷ Goyenpoga Al Kurunbe mere basan marmin yinyin gwahade goyen po, miyonmin 7 bigul yawamin bana gon funamin beles bigulmin fu irke gab Al Kurun beles dufaymin kiryin banare hitin gote iginen kawan forok iryen,” yirin.

⁸ Irkeb al melak kura nanjinde mat hanjapya nurmirin gore sopte po gahade ninyin: “Al Ku-

runyen miyon maƙanya megenya hende huwarde hi gote haniɗde asaɗ digiltiɗ hi goyen kuɗ tawa,” ninyiɗ.

⁹ Irkeb nebe Al Kurunyen miyon go hitte kuɗbe asaɗ goyen nuni yeɗ gusuɗaɗ irmiriɗ. Irkeb miyon goreb, “Asaɗ ga teɗ nawa. Gabe mohoɗnerbe yalaɗgu fiɗiɗ hapek yaɗ go gwahade nurayiɗ gega, bege bana kurkuɗbe beger tigiri tiyyeɗ,” ninyiɗ.

¹⁰ Irkeb asaɗ dirɗeɗ goyen Al Kurunyen miyon gote haniɗde mat teɗbe nimirɗ. Teɗ nemeke mohoɗnerbe yalaɗgu fiɗiɗ yara hapek yaɗ nurmirɗ gega, nukuluk urmekeb kurkuɗ benerbe tigiri tiyyiɗ.

¹¹ Gwaha timekeb al melak gore, “Gebe alya bereya, naɗa karkuwaɗ, merem hoyan hoyan, irde megen niɗ doyaɗ mar karkuwaɗbe kame dahade hinayiɗ goke Al Kurunyen mere basan heɗ tagalayɗ,” ninyiɗ.

11

Al Kurun niɗ tagal tagal al irawa

¹ Be, go kamereb det kurayen kurayen karkuwaɗmiɗ dahade goyen tuɗaɗ teɗ teɗe niɗ kutum kura nuneɗbe gaha ninyiɗ: “Kuɗ Al Kurunyen ya balemya Al Kurun galak ird ird altaya gote kurunmiɗ tuɗaɗ tiyayiɗ. Irde ya balem bana goɗ Al Kurun doloɗ irde haɗ mar goyen kapaɗ hawayiɗ.

² Goyenpoga Al Kurunyen ya balem koya kirtiɗ bana goyen siɗak beleɗ matbe sawsawa kura gabu ird ird gasuɗ hi gobe tuɗaɗ ma tiyayiɗ.

Gasuƙu gobe al miƙu hoyan Yuda mar moƙu goyen waƙu gabu irde hanƙen gasuƙu geb gago dinen hime. Go mar gore gagasi 42 gayen Yerusalem taun Al Kurun dilaƙu wuƙken kenan hiyen goyen ufurka ten bulun bulun irnayan.

³ Nebe ne nin ten tagalde hiriryen al irawa kura saninƙe yunenbe yad yermeke wayiryen. Waƙbe amil kerkek hor irdeb merene basan hen nanƙa fay 1,260 gwahade goyen tagalde hiriryen” ninyin.

⁴ Be, Al Kurun nin mere ten ten al irawa gobe olip he irawaya hushi irawaya Doyan Al Kurun dilin mar huwarde haryen go goyen. Doyan Al Kurun gobe alya bereya megen han kurun gate Kurunmin.

⁵ Al irawa goyen al kura beƙen bulun yirinƙen yen tunan yurnayanbe al irawa gote mohaƙu mat kak forok yen asogom mugol kiryen. Al kura irem go bulun yirinƙen yen tunan yurnayan marbe gwaha mat kamnayan.

⁶ Irem gobe Al Kurunƙen mere basan hen tagalde henya kigarin goya katen ma yen nanƙin pet ten ten taren minyan. Irde fe kurun gayen yigiri tike dari hetek saninƙe wor go minyan. Irde mata kafuram al bulun yirtek goyen kurayen kurayen forok yirde alya bereya megen han gayen igin gwamuƙu yurtek taren wor go minyan. Irem gobe gwaha yirye yenbe igin gwahade po yirtek saninƙe minyan hinaryum.

⁷ Be, irem go Al Kurunƙen mere tagalde pasi hekeb dapna kafuram kura mete dukun wor po kimyan minmoƙu bana gon mat watin gore irem

goya arnayıñ. Irde irem go fole yirde gasa yirke kamiryen.

⁸ Irkeb irem go kamtiñ hakwambe taun kurun Yerusalem bana goñ niñ belen kurunđe gor yubul tike hiriryen. Taun gokeb Sodom yara ma Isip yara yen hanıyen gogo. Taun goyenterbe bikken al irawa gote Doyan Al Kurun wor mayke kamyıñ.

⁹ Irkeb naña karkuwan karkuwan, al miñ kurayen kurayen, meremiñ kurayen kurayen, irde sikken umña kurayen kurayen niñ alya bereya belen irem gote uliñ hakwam wawun karwoya naña fay sipteya goyen belen yubul titiñ yenıyın. Irde hakwam goyen mete ten ten niñ piñen henayıñ.

¹⁰ Megen han marbe tumñan irem go kamke ayan yerdeb detmiñ yingen uliñ murungem mon duliñ kadom gunen tinayıñ. Al Kurunyen mere basan mar irawa gore megen niñ mar kanduk kurun forok ird yunke biñ misiñ nurde hinayıñ geb, irem go kamkeb gogo aman henayıñ.

¹¹ Be, naña fay sipteminde nankahal hekeb al yisan hen hen meñe Al Kurun hitte mat katen irem go biñde hurkukeb sopte geren hen huwararyum. Irkeb alya bereya tumñan irem go yenenbe kafura wor po hamiñ.

¹² Irkeb al melak kura kurun wor po nanñinde mat, “Hende gar wayyi” yeke Al Kurunyen mere basan mar irawa gobe nuraryum. Nurdeb asogom belen yenen hikeya Al Kurunyen gasunđe kigarınkiñ faykek hende hurkaryum.

¹³ Goya goyenbe niniña kurun wor po forok yiriñ. Irkeb Yerusalem taun go bulun hiriñ.

Bulun hirin gobe taun goyen walka ten 10 irde unƙurenbe bulun hirin go gwahade goyen. Bulun hirin bana gonbe 7,000 alya bereya kamamin. Go ma kamamin marbe kafura wor po hen Al Kurun tarenmin kurun wor po goyen denem turnun yan iramin.

¹⁴ Be, mata kafuram kahalte ninbe gogo hubu hirin. Gega mata kafuram hoyan funan karwominbe hen ga ma wayen tiya!

¹⁵ Be, Al Kurunyen miyon 7 bigul yawaramin bana gon miyon funan belan bigulmin fu iryin. Irkeb al melak budam kurun wor po nanƙinde mat forok yenbe, “Gayenter alya bereya megen han kurun gayen doyan yird yird saninbe Doyan Al Kurunya yen belan basina irtin al Mesaiayat haniinde hi. Yen belan gwahader doyan yirde hiyen!” yamin.

¹⁶ Irkeb Al Kurunyen alya bereyat doyan marte parguwak 24, Al Kurun dilin mar keperde hinhan gore wulgurut yen kiminbe megen yirde Al Kurun dolon iramin.

¹⁷ Gwaha irde henyabe,
“Doyan Al Kurun, gebe Al Kurun, tarenge kurun wor po.

Gebe bikken hinhan, gayenter wor ha.
Gebe sanin ge kurun goyen ten alya bereya doyan yird yird meten min urarin.

Ningeb goke igin wor po nurd gunen hite.

¹⁸ Ge ma nurd gunen han mar belan ge nin bin ar yen hinhan.

Gega bege ar yetek nalube gago forok yihi.
Al kamtin merere huwartek nalube gago forok yihi.

Metenj marge, merege basan hen hen mar,
 alya bereyage, irde palap girde han mar
 tumnan mataminj gote murungem yunen
 yunen nalube gago forok yihi.

Al denem yan ma al denem monj goyen tumnan
 murungem yunen yunen nalube gago
 forok yihi.

Alya bereya megen han kurun gayen bulun yi-
 raminj mar goyen mugol kertek nalube
 gago forok yihi!” yaminj.

¹⁹ Be, Al Kurunyen ya balem gasunminde hi
 gote yame fegelke hol yirin. Irkeb bana gonbe Al
 Kurunyen Bina ten ten Bokis hike kinmirin. Irkeb
 dagamel ten daga katen hururun ten hinhin. Irde
 ninina forok yeke kigarin hora yara hitin goyen
 kurun po katyin.

12

Bereya asogominj deregonya

¹ Be, gwaha tikeb mata tinen kura matamnen
 nankinde forok yirin. Mata gobe gahade: bere
 kura nana dilin ten amil hor irtin yara irde gagasi
 hende huwartin hinhin. Irde dinambe 12 belen
 doyan alyen tonanhor irtin goyen ten tonande hor
 irtin hinhin.

² Bere gobe bin minyan, irde dirin kawan kere
 yen ulin misin kurun katen esen hinhin.

³ Irkeb nankinde mata hoyan kura forok yirin.
 Mata gobe gahade: deregon kurun milin wor
 po sikkenbe bukken, irde tonan 7 minyan goyen
 forok yirin. Tonan 7 gobe doyan al karkuwande

tonaḥor 7 goyen tonaḥ 7yaḥ goyaḥ yirtin ala hinhan. Deregon gobe hirkam 10 minyaḥ.

⁴ Deregon gobe siḡili teḥ naḥa kor irtin yara gifirin temeyde dinambe kwer yurke budam wor po wok yeḥ megen katamin. Dinambe katamin gobe naḥkinde dinambe kurun goyen tumḥaḥ buda karwo yirde unḡurenbe wok yeḥ katnayin go gwahade goyen tiyamin. Be, deregon gobe bere gore dirin kawaḥ kerkeb goyare po dirin go neweḥ yeḥ bere go dirin kawaḥ kereḥ teḥ hinhin gote kimin mat pet teḥ hinhin.

⁵ Be, bere goyen dirin al dirin kawaḥ kiryin. Dirin gobe doyaḥ alyen kutum ain beleḥ po irtin goyen tanarde naḥa karkuwaḥ karkuwaḥ tumḥaḥ doyaḥ yiryen albe gogo. Niḡeb deregon gore dirin go niyyenkek yeḥbe bere gote dirin goyen araḥ po teḥ Doyaḥ Al Kurunyen keperd keperd gasuḥ Al Kurun keperde hinhide gor tukuke gor hinhin.

⁶ Be, bere gobe busahardeb sawsawa po kurun naḥa bana goḥ gasuḥ kura Al Kurun beleḥ bere goke teḥ gitik irtinde gor kurin. Gasuḥ gobe Al Kurun beleḥ bere goyen naḥa fay 1,260 gahade doyaḥ irde paka ireḥ yeḥ bikkenḥ gitik iryin go goyen.

⁷ Be, Al Kurunyen gasunde fulenḥa kurun forok yirin. Al Kurunyen miyonya doyaḥ almin Maikelya beleḥ deregon goya yende miyonminya aramin.

⁸ Goyenpoga deregon gobe Al Kurunyen miyon epte fole yirtek tareḥ minmonḥ geb, deregon goya miyonminyabe Al Kurunyen gasunde mat yakira tikeb gasuḥ minmonḥ hamin.

⁹ Be, deregon gobe takira tikeb megen katyiñ. Deregon gobe kunere bikkeñ hinhin go goyen. Gobe denem kurabe Ungura, kurabe Satan inen hanyen. Yeñ beleñ alya bereya megen hañ kuruj gayen usi yirke mata bulunđe kateñ hanyen. Deregon go temeyke megen katyiñyabe miyonmin yago manañ tumñañ katamin.

¹⁰ Be, go kamereb al melak kuruj wor po nanñinđe mat forok yeke nurmiriñ. Merebe gahade: “Kadniniñ merem yañ yird yird al gobe gogo takira tike megen kata. Huginen wawunya nanñahalya Al Kuruj hitte kadniniñ merem yañ yirde hiyen al gobe teñ temeyke megen kata. Niñgeb gayenterbe Al Kurujniniñ beleñ alya bereya yumulğan tiyyen. Al tumñañ yende tareñ bana hinayiñ. Yeñ beleñ doyañ yird yird nalube gago forok yihi. Mesaia Al Kuruj beleñ basina iryiñ al gote sañiñ manañ forok yihi.

¹¹ Mel gobe Sipsip dirneñ gore darim wok irde kamiñ go hende huwarde al bulun go fole irtiñ. Irde mere fudinde po kawan tagaldeb al bulun go fole irtiñ. Niñgeb mel gobe mudunke kamniñ wor igiñ ala yeñ nurde ga hinhan.

¹² Niñgeb deñ Al Kurujyen gasunđe hañ mar tumñañ aman henayiñ. Goyenpoga deñ megenya makanyabe Satan deñ hitte kurka geb, goke kafuram wor po nurde dunhem. Yeñbe nalu ulyande ma hiyen goyen nurde hi geb, goke biñ ar wor po yeñ hi,” yiriñ.

¹³ Be, deregon go Al Kurujyen gasunđe mat teñ temeyke megen katyiñ goyen bebak tiyyiñ. Irdeb diriñ al diriñ kawan kiryiñ bere goyen bulun

buluŋ ire yeŋ naŋkenen kuŋ hinhin.

¹⁴ Bere gobe sawsawa po kurunŋ naŋa bana goŋ gasuŋ kura Al Kurunŋ belenŋ gitik irde untiŋde gor foy teŋ kuŋ kuŋ niŋ buntuluŋ kurunŋ wor po gote tapenŋ irawa untiŋ. Gasuŋ gobe bere goyen gor dama karwo irde gagasi 6 gayen gor po hike deregon gore epte ma bere goyen buluŋ iryenŋ yeŋ Al Kurunŋ belenŋ gitik iryinŋ go goyen.

¹⁵ Be, deregon goyen po goyenbe kunere kurunŋ gogo. Goreb bere goyen figilu tiwi yeŋ mohoŋde mat fe kurunŋ wor po fur tiyyinŋ.

¹⁶ Gega megenŋ belenŋ bere go faranŋ urde mohoŋ aŋ irde fe fur tiyyinŋ kurunŋ goyen nen pasi hiriŋ.

¹⁷ Irkeb deregon gobe biŋ ar wor po yeke bere gote diriŋmiŋ yago go ma kamamiŋ megen haŋ goya arniŋ yeŋ kuriŋ. Go mar gobe Al Kurunŋyen saba gama irde Yesu niŋ yitiŋ mere fudinde goyen kawan po tagalde hanŋyen mar go goyen.

¹⁸ Be, deregon gobe makaŋ ferenŋde huwaryinŋ.

13

Dapŋa kafuram kura irawa forok yaryum

¹ Be, yeŋ gor huwarde hike dapŋa duwi kafuram wor po kura makaŋ alare mat forok yeke kinmiriŋ. Dapŋa gobe hirkam 10 miŋyaŋ, irde tonanŋbe 7 miŋyaŋ. Hirkam go hendebe doyanŋ alyen tonanŋhor hor yirtiŋ ala hinhan. Irde tonanŋ 7 go hendebe Al Kurunŋ sukal irtiŋ deŋe goyanŋ katiŋ ala hinhan.

² Dapŋa duwi kafuram gobe dapŋa kura lepat inenŋ hanŋyen goyen yara kinmiriŋ. Goyenbe kahanŋbe dapŋa kura bea inenŋ hanŋyen gote kahanŋ

yara, irde mohoŋbe laion mohoŋ yara kinmiriŋ. Be, deregon gore dapŋa kafuram goyen saŋiŋmiŋ unyiŋ. Irdeb deŋe kurun unenbe doyaŋ al kurun iryiŋ.

³ Goyenbe dapŋa duwi kafuram gote tonan 7 goyen unkuŋeŋ kurabe kamtek ge mayamiŋ gega, gereŋ hitiŋ goyen kinmiriŋ. Alya bereya megen haŋ kurun gore kenenbe tonneŋ yaŋ wor po yeŋ nurd unenbe gama iramiŋ.

⁴ Albe deregon gore dapŋa duwi kafuram goyen doyaŋ al iryiŋ goke deregon goyen dolon iramiŋ. Irde dapŋa duwi kafuram goyen wor dolon irdeb, “Ganuŋ al beleŋ epte dapŋa duwi kafuram ga-hade hiyyeŋ? Irde ganuŋ al beleŋ epte yenya ariryen? Hubu wor po!” yamiŋ.

⁵ Be, dapŋa duwi kafuram gobe yiŋgeŋ ge turun turun teŋ, Al Kurun sukal ird ird tareŋ untiŋ. Irde doyaŋ al heŋ dama karwoya gagasi 6ya gayen meten teŋ teŋ saŋiŋ untiŋ.

⁶ Irkeb dapŋa duwi kafuram gore mohoŋ aŋ irde Al Kurun mere bulun mat irde Al Kurunyen deŋemya gasuŋmiŋya irde gasuŋmiŋ bana haŋ marya goyen nanyaŋ yiryiŋ.

⁷ Yenbe Al Kurunyen alya bereya goya arde fole yirtek saŋiŋ untiŋ. Irde alya bereya miŋ kurayen kurayen, sikkeŋ umŋa kurayen kurayen, meremiŋ kurayen kurayen, irde naŋa karkuwan karkuwan kurun goyen doyaŋ yird yird tareŋ untiŋ.

⁸ Irkeb alya bereya megen haŋ kurun gore dapŋa duwi kafuram goyen dolon irnayaŋ. Go mar gote deŋembe tumŋaŋ Al Kurunya hugiŋeŋ

hitek marte denem nanƙiɗya megenya ma forok yekeya katiɗ asan goyen bana ma haɗ. Asan gobe al belen mayke kamiyɗ al Sipsip dirɗen gote asan.

⁹ Niɗgeb al kirmin yanbe merene gayen nurde bebak tinayɗ.

¹⁰ Al kura fere ten koyare yerke hinayɗ yen Al Kurun belen dufaymin kirtin marbe koyare hinayɗ. Munan al kura fulenare nin bidilare gasa yirke kamnayɗ yen Al Kurun belen dufaymin kirtin marbe gwaha mat po kamnayɗ. Niɗgeb Al Kurunyen alya bereyabe kanduk forok yenayɗ kurun goyen goke mukku ma ten tareɗ po hen hen ge pinen ma hen hinayɗ. Irde Al Kurun nin hekkeɗ nurtin goyen sanɗ po tanarde hinayɗ.

Dapɗa duwi kafuram hoyan kura forok yirin

¹¹ Be, alya bereya megen han gore dapɗa duwi kafuram goyen dolon irde han goyen kinmirin go kamereb dapɗa duwi kafuram hoyan kura wor megen bana mat forok yeke kinmirin. Yenbe sipsip dirɗen yara hirkam irawa minyan hinhin. Mereminbe deregonyen mere yara tiyyin.

¹² Yenbe yingen ge ten dapɗa duwi kafuram mehenɗe watin gore sanɗ tirin goyen tenbe meten tiyyin. Irdeb megenya alya bereya megen han goyen yinkeb dapɗa duwi kafuram mehenɗe nin goyen dolon iramin. Dapɗa kafuram mehenɗe nin gobe bikken kamtek ge maytin gega geren hirin go goyen.

¹³ Dapɗa kafuram kame wayyin gobe mata tinen turnun yan wor po forok yiryin. Kurabe al belen dilinde kawan po kenen hikeya yen belen irke nanɗinde mat kak megen katyin.

14 Yenbe dapɗa kadam meheɗde wayyiɗ gote diliɗ mar mata tiɗeɗ turɗuɗ yaɗ forok yirdeɓ go hende huwarde alya bereya megen haɗ kuruɗ gayen usi yiryiɗ. Irde dapɗa duwi kadam kafuram fulenɗare niɗ bidilare dagim yaɗ irtiɗ gega go ma kamyiɗ goyen turuɗ ird ird niɗbe dapɗa gote toneɗ irnaɗ yinyiɗ.

15 Yenbe dapɗa duwi kadam kafuram meheɗde wayyiɗ gote toneɗ irtiɗ goyen biɗfut miɗyaɗ ird ird saɗiɗ untiɗ hinhin. Gwaha irkeb toneɗ irtiɗ gore biɗfut irde mere tiyyiɗ. Gobe alya bereya det goyen doloɗ ird ird niɗ igiɗ ma nurde doloɗ ma iramiɗ mar goyen tumɗaɗ gasa yirke kamnanyiɗ yenbe gogo meɗemiɗ fu iryiɗ.

16 Irde dapɗa duwi kafuram kame wayyiɗ gobe al tumɗaɗ Satanyen alya bereya hitiɗ gote haniɗ yasere wet ma kimiɗde wet soɗ yird yird niɗ wor pakku yiryiɗ. Al deɗem moɗ, al deɗem yaɗ, horam yaɗ mar, al siksukɗeɗ, irde al kurate metenɗ marya yinɗeɗde dufayde metenɗ teɗ haɗ marya tumɗaɗ haniɗ yase ma kimiɗde soɗ yird yird niɗ pakku yiryiɗ.

17 Gogab al kura haniɗde ma kimiɗde soɗ yirtiɗ goyen hubu kenem epte ma det damu tinayiɗ, irde epte ma det yunke al hoyanɗ beɗeɗ damu tinayiɗ. Al haniɗ yasere kurab kimiɗde soɗ yird yird gobe dapɗa duwi kafuram gote deɗem, kurabe deɗem gote namba.

18 Niɗgeb albe mata goyen keneɗ igiɗ bebak titek dufay wukkeɗ go miɗyaɗ ala hinayiɗ. Al kura keɗkela bebak teɗ teɗ tareɗ miɗyaɗ al gobe tubul tike dapɗa duwi kafuram gote namba gote

miŋ bebak tinayiŋ. Namba gobe al unƙuren ƙura gote namba. Nambamiŋbe 666.

14

Sipsip al dirin dirnya al 144,000ya

¹ Be, go kamereb Sipsip dirneŋ beŋ Saion doŋdoŋde huwarde hinhin goyen kinmirin. Yenbe alya bereya 144,000 gote kimiŋdebe Sipsip dirneŋ gote deŋemya Naniŋde deŋemya katiŋ mar goya dugure gor huwarde hinhan.

² Irkeb migirin ƙuruŋ ƙura naŋƙiŋde mat forok yeke nurmirin. Migirin gobe fe hamulare solok yen migirin ƙuruŋ teŋ hiyen go gwahade goyen, irde daga kateŋ hiyen go gwahade yara nurmirin. Gega migirin gobe kirmiŋner igin wor po nurmirin. Tikiŋ heŋ heŋde niŋ det ƙura hap inen hanŋen goyen kari yirde hike tikiŋ forok yen hiyen gwahade yara nurmirin.

³ Hap goyen kari yiramiŋ mar gore Doyaŋ Al Ƙuruŋyen keperd keperd gasunya det binfut miŋyaŋ sipte goya Al Ƙuruŋyen alya bereyat doyaŋ marte parguwakya gote diliŋ mar huwarde tikiŋ gergeŋ ƙura hamiŋ. Tikiŋ gobe Sipsip dirnya hinhan mar 144,000 yen beŋ megen mat yumulgaŋ titiŋ gore po gab tikiŋ go tuŋaŋ urde tikiŋ hetek hinhan. Al hoyanbe epte ma gwaha titek hinhan.

⁴ Mel gobe bere hoyanya ma firin gwahade goyen po, det toneŋ al beŋ yirtin goyen dolon ma yirde Al Ƙuruŋ diliŋde wukken hitin mar go goyen. Go mar gobe Sipsip dirneŋ goyen hugiŋen gama irde haŋ. Yenbe megen haŋ mar

go bana goŋ mat baŋa yirde det damu titiŋ yara Yesu darim wok irde kanyiŋ gore yumulgaŋ titiŋ. Irdeb metenŋ gergenŋe niŋ binŋe mehenŋe yawartiŋ goyen Al Kurunŋ galak irde hanŋen yara mel goyen Al Kurunŋya Sipsip dirŋenŋya hitte galak yirtiŋ.

⁵ Mel gobe usi mere kura ma titiŋ, irde ulinŋe mere miŋmonŋ hinhan.

Al Kurunŋyen miyonŋ karwo beŋe mere tagalaminŋ

⁶ Be, go kamereb Al Kurunŋyen miyonŋ hoyanŋ kura naŋa kota foy tenŋ hike kinmiriŋ. Yenbe megen hanŋ mar hitte Yesu niŋ yitiŋ mere gwa-hader hitiŋ goyen momonŋ yirtek miŋyanŋ hinhin. Yenŋ beŋe naŋa karkuwanŋ karkuwanŋ, al miŋ kurayen kurayen, meremiŋ kurayen kurayen, irde al sikkenŋ kurayen kurayen goyen momonŋ yirtek mere igiŋ miŋyanŋ hinhin.

⁷ Be, miyonŋ gore kuware po, “Al Kurunŋ beŋe alya bereya tumŋanŋ merere yertek nalu binde hihi geb, kafura irde deŋem turnuŋ yanŋ irnayiŋ. Nanŋkiŋ, megenŋ, makanyabe fe diliŋya forok yiryiŋ al goyen dolonŋ irnayiŋ,” yiriŋ.

⁸ Be, gwaha yekeb Al Kurunŋyen miyonŋ hoyanŋ beŋe kadam go gama irdeb, “Babilon taun kurunŋ wor po gobe gwamuŋ urtiŋ! Bulunŋ wor po hitiŋ! Babilon gore alya bereya naŋa karkuwanŋ karkuwanŋ bana hanŋ mar goyen nene kukuwa wor po hetek wain yunyiŋ. Wain gobe leplep matamiŋ go goyen,” yiriŋ.

⁹ Be, gwaha yekeb Al Kurunŋyen miyonŋ hoyanŋ kura gore kadam irawa goyen gama irde kuware

po gaha yiriñ: “Al kura dapña duwi kafuramya gote toneñ irtin goya goyen dolon yirde kimiñde ma haniñde dapña duwi gore nere yeñ basiña yirde deñem soñ yirtin marbe

¹⁰ wain sañin wor po nene garbam bulun po heñ hanñyen yara Al Kurunyen bearar kurun po kennayin. Go mar goyen hittebe Al Kurunyen beararmin kurun wor po fe wogortin yara irde yuney. Irkeb go mar gobe Al Kurunyen miyon yago wukken wor poya Sipsip dirñenya dilin mar heñ salfa hora humga kun hi gore yisike ulin misin kurun wor po kateñ hinayin.

¹¹ Go mar go kumga yirde hiyen kak gote kakimbe gwahader wañ hurkun hiyen. Niñgeb al kura dapña duwi kafuramya gote toneñ irtin goya goyen dolon yirde han mar, irde haniñde ma kimiñde dapña gote deñem soñ yirtin marbe usañen moñ wawunya nanñkahalya huginñen ulin misin kateñ hinayin,” yirin.

¹² Niñgeb Al Kurunyen alya bereya sabamin gama irde Yesu nin heken nurd nurd mata ma tubul titin maryabe kanduk budam yeneñ goke mukku ma ten taren po heñ heñ ge piñen ma heñ hinayin.

¹³ Be, Al Kurunyen miyon karwo gore mere tiyamin go kamereb al melak kura nanñkinde mat gaha yirin: “‘Gayenter mat al kura Doyan Al Kurun nin ten kamnayin marbe Al Kurun belen guram yirde sañin yiryen,’ gwahade kaya,” yirin.

Irkeb Holi Spirit belenbe, “Fudinde, mel gore Al Kurun nin meten tahan gote iginenbe kawan forok yenayin geb, mel gobe meten taren po ten

hitin goyen yubul ten usan hen hinayin,” yirin.

Megen binje ep hitin yad yad nalu forok yirin

¹⁴ Be, go kamereb delne mar kigarinjin faykek wor po forok yeke kinmirin. Kigarinjin go hende al kura Al Urmin yara goyen keperde hinhin. Tonanbebe doyan al kurunyen tonanhor gol belen po irtin goyen hor irtin, irde wit sak yeke walde walde bidila goyen haniinde hike kinmirin.

¹⁵ Be, Al Kurunyen miyon hoyan kura belen Al Kurunyen ya balem bana mat sinare katen kuware po kigarinjin faykek hende kipirtin hinhin al goyen inyin. “Wit sak yen yen nalu forok yeke bidila ten walde yad buda yirde hanyen yara, megen nin mar yad yad nalube gago forok yihi geb, alya bereya ge belen yawartekbe yawara,” inyin.

¹⁶ Gwaha inkeb kigarinjin faykek hende keperde hinhin al gore bidilamin temeyde walyin. Alya bereya megen han goyen yawaryin.

¹⁷ Be, go kamereb Al Kurunyen miyon hoyan kura Al Kurunyen gasunminde nin ya balem bana mat sinare katyin. Yen wor bidila yaltin kura haniinde manan katyin.

¹⁸ Irkeb Al Kurunyen miyon hoyan kura sopte Al Kurunyen ya balem bana kak doyan irde hiyen gore Al Kurun galak ird ird altare mat wanbe bidila go tanarde hinhin miyon goyen kuware po inyin. “Wain iginenbe fin hahan geb, bidilage misin yan go ten megen nin wain metende gor kurkun wain iginen walde yawara,” inyin.

¹⁹ Irkeb miyon gore bidilamin goyen temeyde wain iginen benekde walde yade wain gilyan hen

heñ gasuñde yiriyiñ. Wain gilyañ heñ heñ gasuñ gobe Al Kurunyen bearar go goyen.

²⁰ Niñgeb wain igineñ gilyañ heñ heñ gasuñ taun siñare hiyen goyenter yukunñ gilyañ hitiñ yara Al Kurunñ ma nurd unenñ hañ mar go gilyañ heñ heñ gasuñde gor yerde karka tikeb darimbe figilu yara kateñ 300 kilomita gisaw wor po kutiñ. Dari beñeñ figilu yara hitiñ gote dukunñiñ tunañeñbe megen mat hurkunñ hos gote pukinñ al keperde hanjyende go gwahader hiriñ.

15

Al Kurunyen miyonñ 7 beñeñ mata kafuram 7 forok yiramiñ

¹ Be, go kamereb mata turñunñ yañ wor po hoyañ kura nanñiñde forok yeke kinmiriñ. Mata gobe gahade: Al Kurunyen miyonñ 7 beñeñ mata 7 kafuram wor po tiyamiñ. Mata kafuram gabe Al Kurunyen bearar funañ wor po goyen forok yetekbe gago.

² Be, go kamereb makañ ala galas beñeñ po irtiñ goya kakya suluk yirtiñ goyen kinmiriñ. Irde al kura dapña duwi kafuramya gote toneñ irtiñ goyabe deñemde namba 666ya goyen fole yirtiñ marbe makañ siñare huwarde hike yinmiriñ. Mel gobe tikiñde niñ det hap inenñ hanjyen Al Kurunñ beñeñ yuntiñ goyen yanartiñ hinhan.

³ Irdeb Al Kurunyen metenñ al Mose beñeñ tikiñ hitiñ goyen hamiñ. Sipsip dirneñ goke tikiñ hitiñ goyen manañ hamiñ. Tikiñ bilmiñ gobe gahade: “Al Kurunñ, gebe Doyañ Al Kurunñ, tareñge kurunñ wor po.

Metengebe kurun wor po, irde turnun yan wor po!

Doyan Al Kurun, gebe gwahader hitin.

Matagebe fudinde, irde huwak wor po.

⁴ Doyan Al Kurun, ganun al beley kafura ma girnayin?

Ganun al beley denge turnun yan ma girnayin?

Ge po ga wukken wor po.

Matage huwak goyen alya bereya nana karkuwan karkuwan bana han mar goyen tumnan kennayin geb,

ge hitte po wan dolon girnayin,” yamin.

⁵ Be, go kamereb Al Kurunyen gasunde nin ya balem bana gon gasun himam goyen yamemin kawan po hol yeke kinmirin.

⁶ Be, ya balem bana gon mat Al Kurunyen miyon ⁷ gore mata ⁷ kafuram wor po goyen forok yirin yen sinare katamin. Miyon gobe amil sobam faykek wor po milmulken goyen hor yirtin hinhan. Irde gol beley po kan yara irtin goyen dumunde bili irtin hinhin.

⁷ Be, det binfut minyan sipte Doyan Al Kurunyen keperd keperd gasun milgu irtin hinhan goyen unkuwen kura beley kuwe gol beley po yirtin ⁷ goyen Al Kurunyen miyon ⁷ go yunyin. Kuwe ⁷ bana gonbe gwahader hiyen al Al Kurun gote bearamin fe makin yirtin yara hinhan.

⁸ Irke Al Kurunyen ya balem bana gonbe Al Kurunyen denem turnun yan wor poya sanjinmin kurun wor poya goyen kawan forok yird yird kaki beley makin hirin. Irkeb al kura epte ma ya bana gon hurkutek hirin. Ya balem bana

goṅbe Al Kurunyen miyon 7 gore mata kafuram 7 forok yirtek goyen hubu heṅ pasi yirke gab igin hurkutek hiriṅ.

16

Al Kurunyen bearar gote kuwe 7

¹ Be, go kamereb al melak kura Al Kurunyen ya balem bana goṅ mat kuware po Al Kurunyen miyon 7 goyen yinke nurmiriṅ. Meremiṅbe gahade: “Kunaṅ. Kuṅ Al Kurunyen bearar kuwe 7 bana haṅ goyen megen wogornaṅ,” yinyiṅ.

² Be, gwaha yinkeb miyon meheṅde niṅ gore kuṅ kuwemiṅ goyen megen wogoryiṅ. Irkeb usu yeneṅmiṅ kafuramyā misiṅmiṅ buluṅ wor poya goyen dapṅa duwi kafuram gote deṅe uliṅde soṅ yirtiṅ maryā dapṅa gote toneṅ doloṅ irde haṅyen maryā gote uliṅde forok yaṅiṅ.

³ Be, Al Kurunyen miyon 7 goyen irawamiṅ beṅ kuwemiṅ makaṅ alare wogoryiṅ. Wogorkeb makaṅbe al kamtiṅde dari yara hiriṅ. Irkeb makaṅde niṅ dapṅa tumṅaṅ kamamiṅ.

⁴ Be, Al Kurunyen miyon 7 goyen karwomiṅ beṅ fe karkuwanyanya fe diliṅyanya kuwemiṅ wogorke dari po hiriṅ.

⁵ Yeṅ beṅ gwaha tikeb Al Kurunyen miyon kura fe doyaṅ yirde hiyen goreb gaha yeke nurmiriṅ: “Al Wukkeṅ wor po, gebe hakot hinhan, gayenter wor ha. Ge beṅ al merem yaṅ yird yird gobe huwak wor po.

⁶ Go yirha mar gobe gere alya bereya goya mere basaṅ margeya goyen gasa yirke darim wok yeṅ kamamiṅ. Goke teṅ ge beṅ go mar

goyen wolminen yirde dari nenan yen yunha gobe gwaha yirtek po yirha,” yirin.

⁷ Irkeb al melak kura Al Kurun galak ird ird altare mat forok yeke nurmirin. Mereminbe gahade: “Fudinde, Al Kurun, gebe Doyan Al Kurun, tarengbe kurun wor po! Ge beley merem yan yirde ha gobe fudinde mat yirde ha, irde huwak wor po ten ha,” yirin.

⁸ Be, Al Kurunyen miyon 7 goyen siptemin beley kuwemin nana dilin hende wogoryin. Irkeb nana gobe tareng po temeyde alya bereya kumba yirtek sanin minyan hiri.

⁹ Be, alya bereya gobe nana gote uka bulun wor po gore kumba yirya. Irkeb go mar gore mata kafuram gwahade goyen doyan yirde hi al Al Kurun goyen karan uramin. Irde mata bulunmin yubul ma ten Al Kurun nin bin mulgan ma hamin. Irde Al Kurun denem turnun yan ma iramin.

¹⁰ Be, Al Kurunyen miyon 7 goyen siptesononmin beley kuwemin dapna duwi kafuram gote keperd keperd gasun hende wogoryin. Gwaha irkeb dapna duwi kafuram gore alya bereyamin doyan yirde hiyen nana kurun gobe kidoma beley aw uryin. Irkeb mel gobe kankun wor po nurdeb melak yisamin.

¹¹ Irdeb ulin misin katen han goya usuminya goke ten Al Kurun saninmin kurun wor po goyen karan uramin. Irde mata bulunmin yubul ten yen ge bin mulgan hetek ma yirya.

¹² Be, Al Kurunyen miyon 7 goyen 6min beley fe kurun Yufretis inen hanen go hende kuwemin wogoryin. Gwaha irkeb Yufretis fe kurun gobe

pet yiriŋ. Gobe naŋa waŋ waŋ beleŋ mat doyaŋ mar karkuwaŋ waŋ waŋ niŋ beleŋ kerd yune yeŋbe gogo fe goyen pet yiriŋ.

¹³ Be, gor matbe det toneŋ buluŋ karwo kura huri yara goyen yinmiriŋ. Det toneŋ kurabe dere-gon mohon bana mat katiŋ, irde kurabe dapŋa duwi kafuram gote mohon bana mat katiŋ, irde funaŋbe Al Kurunyen mere basaŋ al falkuk gote mohon bana mat katiŋ.

¹⁴ Det toneŋ gobe uŋgura, mata tiŋeŋ turuŋuŋ yaŋ wor po goyen forok yirde haŋyen gote toneŋ. Toneŋ goreb Al Kurun watek nalu kurun goyenter asogo irde fulaŋa irniŋ yeŋbe megen niŋ doyaŋ mar karkuwaŋ goyen yawaŋ gabu yird yird niŋ kwamiŋ.

¹⁵ Be, goya goyenbe al melak kura forok yeke nurmiriŋ. Meremiŋbe gahade: “Ga nurnaŋ! Nebe al kura kawe al goyare wayeŋ tiya yeŋ ma nurde hikeya wayyeŋ go gwahade goyen tiyeŋ. Niŋgeb al kura kawe al goyare wayyeŋ yeŋ ma nurdeya ma ferde uliŋhormiŋ kerde pet titiŋde hiyeŋ go gwaha goyen, ne waŋ waŋ niŋ doyaŋ heŋ keŋkela hinayiŋ marbe Al Kurun beleŋ guram yirde tareŋ yiryen. Gogab kawe al beleŋ waŋ bemel irke kupson al diliŋde kuŋ memya ma hiyyeŋ go gwahade goyen po, ne niŋ keŋkela doyaŋ heŋ hinayiŋ mar wor memya ma henayiŋ,” yiriŋ.

¹⁶ Be, go kamereb det toneŋ buluŋ beleŋ megen niŋ doyaŋ mar karkuwaŋ gasuŋ kura Hiburu mere mat Amagedon inen haŋyende gor gabu yiramiŋ.

¹⁷ Be, Al Kurunyen miyon 7 goyen funanmin belen nana kota kuwemin wogoryin. Irkeb Al Kurunyen ya balem bana Doyan Al Kurunyen keperd keperd gasunde gor mat al melak kurun kura forok yenbe, “Gog po hubu hihi!” yirin.

¹⁸ Irkeb dagamel ten daga katen hururun ten niniya kurun wor po forok yirin. Al megen forok yaminde mat wan wan gayenter niniya gwahade kura ma forok yen hitin. Niniya gobe bulun wor po, niniya ten hitin kurun gote folek wor po.

¹⁹ Be, niniya go forok yekeb taun kurun Babilon gobe gilgalan irde karwo hamin. Irde taun karkuwan hoyan megen han kurun goyen wor gwamun yurtin hinhan. Al Kurunbe Babilon* taun kurunde nin mar gote mata bulun goke bin sir ma yirin geb, mata bulunmin goke bearar ten gwamun yuryin. Gobe beararmin wain yuntinen yirin.

²⁰ Irkeb motmot tumnan hubu hamin, irde dugu wor hubu hamin.

²¹ Irde naninde mat kigarin bilmin hora yara hitin gore al hitte kurun po katyin. Kigarin bilmin unkuwen horam hitin gote kandukminbe 50 kilogram kanduk wor po. Be, kigarin hora yara hitin katyin goke al belen Al Kurun karan uramin. Mata forok yirin gobe kanduk kurun wor po geb, gogo karan uramin.

17

Belen nin bereya Dapna duwi kafuramya

* **16:19:** Babilonbe Rom nin yitin.

¹ Be, Al Kurunyen miyon 7 kuwe 7 yanartinj mar goyen unkuwen kura belen ne hitte wanbe gaha ninyinj: “Wake kure. Kun belen nin bere kura fe karkuwan budam hende keperde hi goyen daha mat Al Kurun belen gwamu uryen goyen gikala gire. Bere gobe taun kurun kura fe karkuwan kahalte irtinj go goyen.

² Megen nin doyan mar karkuwan belen bere goya duwan ten ten mata ten han. Irde megen han marbe wain nene kukuwa hen hanyen yara bere gote mata bulun goyen ulin bana hilyan kun pasi hekeb yende mata po gama irde bulun wor po hitinj han,” ninyinj.

³ Be, Holi Spirit belen ketal nurkeb miyon gore sawsawa po kurun nanja bana gon nukurinj. Gorbe bere kura dapna duwi kafuram kura goyen hende kipirtinde hike kinmirinj. Dapna gote ulinbe bukkenhel. Irde ulindebe Al Kurun sukal ird ird mere po makin hitinj. Dapna duwi gobe tonan 7ya hirkam 10 minyan hinhin.

⁴ Bere gote amil umna kurabe bukkenhel, irde kurabe bukken wor po mon digulakya suluk irtinj* yara goyen hor irtinj hinhin. Irde golya hora kusamu damum hende wor poya gore po umna titinj. Irde pal hora selwen yara damum hende wor po goyen manan yade ulin umna irtinj hinhin. Bere gobe gisu gol belen irtinj goyen haninj yase belen tanartinj hinhin. Gisu bana gonbe mata memyakya lelep mata mormokya goyen makin hitinj hinhin.

* **17:4:** Bukkenya digulakya suluk yirke umna hoyan kura forok yen hiyen. Umna goreb doyan marte amil umna yirde hanyen.

⁵ Bere gote kimiñdebe deñem kura miñ banare hitiñ goyen katiñ hinhin. Deñembe gahade:

BABILON KURUŇ, BELEN NIŇ BERE KURUŇ
GATE MILIŇ, IRDE MEGEN NIŇ MARTE MATA
BULUŇ GOTE MIŇ BIRIŇ

⁶ Bere gore Al Kurunyen alya bereya budam gasa yirke kamamiñ. Irkeb bere gore dari goyen wain nene kukuwa hitiñ yara tiyyiñ goyen kinmiriñ. Mel gobe Yesu gama irkeb gogo gasa yirke kamamiñ.

Be, nebe bere go kenenbe kukuwamñeñ wor po nurmiriñ.

⁷ Irkeb Al Kurunyen miyoñ nukuriñ goreb, “Daniñ kukuwamñeñ nurde ha? Bere gote miñ banare hinhin goyen momoñ gireñ. Irde dapña duwi kafuram tonañ 7, irde hirkam 10 miñyañ, bere gore go hende keperde hi dapña duwi gote miñ wor momoñ gireñ.

⁸ Be, dapña duwi kafuram wor po kenha gobe bikkeñ hinhin. Gega gayenterbe go ma hi. Goyenbe kame mete dukuñ wor po kimyan miñmoñ bana mat wañ forok yiyyeñ. Forok yekeb mayke hugiñeñ kamyeñ. Goyenbe dapña go megen forok yekeb megen niñ mar beleñ kenenbe diliñ fot yenayiñ. Dapña gobe kamyiñ gega, sopte forok yekeb gogo kenenbe diliñ fot yeñ amañ henayiñ. Amañ henayiñ mar gote deñembe Al Kurun beleñ megenya nanñiñya forok yiryiñde mat wañ wañ gayenter Al Kurunya hitek marte deñem katiñ asañde gor ma hañ.

⁹ “Niñgeb mata forok yitiñ goyen bebak tiye yeñbe keñkela po dufay hawayiñ. Dapña duwi kafuram gote tonañ 7be higiliñ 7 niñ yitiñ. Higiliñ

7 go hendebe belen niŋ bere goyen keperde hiyen.

¹⁰ Higiliŋ 7 gobe doyaŋ mar karkuwaŋ 7 niŋ manaŋ yitiŋ. Doyaŋ mar karkuwaŋ 7 bana goyen siptesoŋoŋbe bikkeŋ forok yeŋbe hubu hamiŋ. Irde doyaŋ al kurunŋ unkuŋreŋbe gayenter hi. Irde doyaŋ al kurunŋ funaŋbe hako waŋ hi. Yeŋ wayyeŋbe nalu dolfonde po alya bereyamiŋ doyaŋ yirdeb hubu hiyyeŋ.

¹¹ Dapŋa duwi kafuram bikkeŋ kamtiŋ geb, gayenterbe goyen ma hi gega, kame wayyeŋ goreb doyaŋ mar karkuwaŋ 7 go kamereb al gergeŋ kura forok yeŋbe doyaŋ mar karkuwaŋ 7 goyen basaŋ heŋ doyaŋ al kurunŋ hiyyeŋ. Gega al go wor doyaŋ mar karkuwaŋ 7 goya tuŋande. Irde kame bulunŋ wor po heŋ hubu hiyyeŋ.

¹² “Be, dapŋa duwi kafuram gote hirkam 10 yenha gobe doyaŋ mar karkuwaŋ hoyanŋ 10 go goyen. Mel gobe alya bereyamiŋ doyaŋ yird yird tareŋ goyen ma yawartiŋ haŋ. Gega doyaŋ mar karkuwaŋyeŋ saŋiŋ teŋ dapŋa duwi kafuram goya heŋ alya bereya doyaŋ yirde hinayiŋ gega, heŋ ga moŋ saŋiŋmiŋ hubu hiyyeŋ.

¹³ Doyaŋ mar karkuwaŋ 10 gobe dufay unkuŋreŋ po kerdeb alya bereyamiŋ doyaŋ yird yird tareŋmiŋ goyen gabu irde dapŋa duwi kafuram go po unnayiŋ.

¹⁴ Irde mel gore Sipsip dirŋeŋ goyen asogo irdeb fulenaŋ irnayiŋ. Goyenpoga Sipsip dirŋeŋ gobe doyaŋ marte Kurunŋmiŋ, irde doyaŋ mar karkuwaŋ gote Kurunŋmiŋ geb, mel goyen fole yiryenŋ. Sipsip dirŋeŋ gote alya bereya yeŋ belenŋ

hoy yirde basaŋa yirkeɓ biŋde mat fudinɗe po gama irde haŋ mar wor yenja gabu henbe doyaŋ mar karkuwaŋa dapɗa duwi kafuramya goya arɗe fole yirnayiŋ,” niniyiŋ.

¹⁵ Be, go kamereɓ Al Kurunyen miyoŋ gore sopte gaha niniyiŋ: “Fe karkuwaŋ hende belɗen niŋ bere gore keperɗe hike yɛha fe gobe al sikken umɗam kurayɛn kurayɛn, al miŋ hoyoŋ hoyoŋ, naŋa karkuwaŋ karkuwaŋ, irɗe al merem kurayɛn kurayɛn teŋ haŋ mar go goyen.

¹⁶ Be, dapɗa duwi kafuram goya hirkam 10ya yɛha goreɓ belɗen niŋ bere goyen biŋ ar irnayiŋ. Irɗe bere go buluŋ buluŋ irɗe detmiŋ goraŋ irɗe uliŋ umɗa manaŋ yuguya tikeɓ kupsoŋ hiyyɛn. Irke bere gote gasoŋ talde neneɓ kak po kumga tinayiŋ.

¹⁷ Go tinayiŋ gobe gwaha po tinayiŋ yɛŋ Al Kurun belɗen dufay kirtiŋ geb, gogo tinayiŋ. Niŋgeb doyaŋ mar 10 gore tareŋmiŋ tumɗaŋ gabu irɗe dapɗa duwi kafuram goyen unɛŋbe gama irnayiŋ gogo. Mel go gwaha teŋ kuŋ kuŋbe Al Kurunyen mere gote igineŋ kawan forok yetek nalu goyen forok yiyyɛn.

¹⁸ Be, belɗen niŋ bere go kenha gobe taun kurun wor po go goyen. Megen niŋ doyaŋ mar karkuwaŋ hoyoŋ gobe yende yufukɗe haŋ,” niniyiŋ.

18

Babilon taun gobe buluŋ hiriŋ

¹ Be, go kamereb Al Kurunyen miyon hoyan kura Al Kurunyen gasunde mat katej hike kinmirin. Yenbe denem yan wor po, ulinde matbe sanjinmin hulsi yara forok yekeb megen kurun gayen wuk yen tukurin.

² Be, yen belej mere kurun po tenbe, “Babilon taun kurun wor po gobe gwamun urtin! Bulun wor po hitin! Irkeb taun gobe ungurayen gasun hitin. Irde det tonej bulun wor bana gon han. Irde nu Al Kurun dilinde tikin minyan gore bana gon hagam yirde han.

³ Nana karkuwan karkuwan tumnan gobe nene kukuwa wor po hetek wain bere gore yunin. Wain gobe lelep matamin go goyen. Megen nin doyan mar karkuwan wor bere goya feramin. Irkeb samun ya minyan han marbe bere gore det damum hende hoyan goyen yen hitte damu ten hike hora kurun wor po yade hinhan,” ninyin.

⁴ Be, go kamereb nan kinde mat al melak hoyan kura forok yeke nurmirin. Mereminbe gahade: “Alya bereyane, bere belen nin go tubul ten kunan.

Gogab yen mata bulun ten hiyen gwahade ma ten hinayin.

Irde matamin gote murungem bulun tiyyen goyen denya ma tenayin.

⁵ Gobe bere gote mata bulunbe pipkatoka irke nan kin sisan urtin hinhin geb, gago dinen hime.

Al Kurunbe mata bulunmin goke bin sir ma yen hiyen geb, gago dinen hime.

⁶ Nin geb bere gore daha kura dirtin gobe gwahade po wol hen unnan.

Yen beley bulun diriyin goyen wolminenbe yen
 beley dahade duntin goyen teban go hende
 kerde kurun po unnan.

Yen beley gisuminde wain sanin dunyiyin goyen
 wolminenbe wain tarey wor po yen beley
 irde dunyiyin gote folek goyen gisumin bana
 gon po wok irde unnan.

⁷ Bere go denem turun yan hen det damum
 hende wor po goyen po yade aman hen
 hinhin geb,
 dahade aman hen hinhin gwahade po ulin
 misin katen kanduk kurun wor po nurde
 hiyen.

Bindebe yingen turun irdeb,
 'Nebe doyan bere kurun, irde beretap mon.
 Ne hittebe kanduknen nurtek mata kura ma
 forok yiyyen,' yen hi.

⁸ Nin geb nalu kurare kurab bere gobe matamin
 gote murungem bulun wor po tiyyen:
 Garbam bulun ten, binde kanduknen nurde,
 binde kamde hiyen.
 Irde kak beley nen unyen.

Al Kurunbe Doyan Al Kurun taremin kurun wor
 po gore bere goyen merem yan iryen geb,
 gogo gwahade forok yiyyen," yirin.

⁹ Be, al melak kura nan kinde mat forok yirin
 gore sopte gaha yeke nurmirin: "Megen nin
 doyan mar karkuwan bere goya ferde bere gote
 samun damum hende hoyan ten ten mata gama
 iramin marbe bere go humga kuyen gote kakim
 kennayin. Irde yen ge esen obam ten hinayin.

¹⁰ Mel gobe bere go uliŋ misiŋ kurunŋ kateŋ hike keneŋ kafura wor po heŋ gisaw po heŋ esinayiŋ. Irdeb, ‘Kafuram wor po! Kafuram wor po! Awo, taun kurunŋ wor po Babilon! Bemel po ugunŋ naluge forok yihi!’ yenayiŋ.

¹¹ “Irdeb samuŋ ya miŋyaŋ marbe, ‘Detniniŋ kurunŋ damu teŋ hiyen berebe gogo hubu hihi geb, al gore kura detniniŋ damu titek moŋ,’ yeŋ nurdeb bere goke eseŋ obam teŋ hinayiŋ.

¹² Al kura gore waŋ mel gote gol, silwa, hora kusamuŋ wor po, pal hora selweŋ yara damum hende, irde amil faykek igiŋ wor po, amil umŋam bukkenya digulakya suluk yirtiŋ, irde silika amilyabe amil bukhel yitiŋ goyen damu titek berebe hubu hihi geb, goke esinayiŋ. He kurayen kurayen hamiŋ kusamuŋ wor po gore det yirtiŋ, irde kurabe dapŋa kura elefant gote bilŋam beleŋ po det kurayen kurayen yirtiŋ, irde he damum hende wor po gore po det yirtiŋ, irde barasya ainyabe hora milmulŋenya gore po det yirtiŋ goyen damu titek bere gobe gogo hubu hihi yeŋ goke esinayiŋ.

¹³ Irde miyow, biŋge hapek yirtek det, irde det kumba tike hamiŋ igiŋ forok yeŋ haŋyen goyen, irde he fimiŋ hamiŋ igiŋ wor po kurayen kurayenyabe, wain, olip fimiŋ, palawaya witya igiŋ muŋ wor po, bulmakaw, sipsip, hos, irde nima hos beleŋ yuluŋ teŋ haŋyen goyabe, metenŋ mar dulŋenya goyen damu titek bere gobe gogo hubu hihi yeŋ goke esinayiŋ. Go mar gobe alya bereya kura metenŋ mar yirde bere go unke damu teŋ hiyen.

¹⁴ “Go mar goreb bere go kamke keneŋbe, ‘Det

igin yawaren yen nurde hayen kurun gobe gigen kamkeb hubu hihi. Samungeya detge igin wor poya goyen tumnan yubul taha geb, epte ma sopte yenayin!’ innayin.

¹⁵ Samun ya minyan mar bere gore detmin damu tike horam yan hen hanyen mar gobe bere goyen ulin misin kurun po katen hike kenenbe kafura wor po hen tubul ten gisaw po hinayin. Irde bere goke esen obam tenbe,

¹⁶ ‘Kafuram wor po! Kafuram wor po! Awo, Taun kurun. Taun gobe bere gogo, yenbe amal igin bukkenya digulakya suluk yirtin goya bukkenhel yitin goya hor yirde hiyen. Irde golya hora kusamun wor poya pal hora selwen yara damum hende wor po goya goyen yade ulin unna ten hiyen.

¹⁷ Goyenbe samunmin kurun gobe bemel po hubu hihi!’ yenayin.

“Ningeb hakwa doyan yird yird marte karkuwanmin, irde alya bereya hakwa hende kun han mar, hakwa hende meten ten han maryabe makan alare hen dapna yade hora ten han marya tumnan bere go tubul ten gisaw po hinayin.

¹⁸ Mel gore bere go humga kun hiyen gote kakim kenenbe kuware po, ‘Bikkenbe taun kurun wor po gahade gayen kura ma hinhin!’ yenayin.

¹⁹ Irdeb bere goyen kamde hinhin goke bin misin nurdeb yingen de tonan de mulowo wogordeb esen obam tenbe, ‘Kafuram wor po! Kafuram wor po! Awo, Taun kurun. Taun bana gon al kura hakwa minyan mar gobe taun gote

samunya detmin hakwamin hende yawanbe hora kurun yade hanjen. Goyenbe bemel po taun gobe detmin goya tumnan mugol nihi! yenayin.

²⁰ Gega Al Kurunyen gasunde han marbe bere go kamde hi goke aman henayin. Deh Al Kurunyen alya bereya aposelya porofetyabe bere gore bulun bulun dirtin goyen goke merem yan irtin goke aman henayin!” yirin.

²¹ Be, go kamereb Al Kurunyen miyon kura sanjinmin kurun wor po goreb hora kurun kura goyen tenbe makan alare timiyyin. Hora gote kurunminbe wit bilmin karka ten palawa irde hanjen hora kurun wor po hos belej tulun ten hanjen go gwahade goyen. Be, Al Kurunyen miyon gore hora go temeydeb, “Hora kurun go makan ala bana kurka gwahade goyen po, ge Babilon taun kurun goyen gad gemeyke makan ala bana kurkun sopte ma po forok yawayin.

²² Tikin de nin det hap inen hanjen gote tikin, bulelunyen tikin, bigulyen tikin yabe al belej tikin hen hanjen tumnan goyen go ma sopte nurayin. Irde samun yare meten ten han mar manan sopte ma yenayin. Wit bilmin karka ten palawa ird ird gote hora migirin manan sopte ma po nurayin.

²³ Hushi melak kura ge bana sopte melak ma henayin. Tikin merere nin tikin sopte ma po nurayin. Ge Babilon taun bana gon samun ya minyan marbe hora ten ten sanjinmin kurun wor po. Gega ge belej merebal matare mata bulun forok irde alya bereya megen hike kwa kurun goyen usi yirarin.

24 Taun gobe Al Kurunyen alya bereya, irde porofet, irde alya bereya megen hinhan goyen gasa yirke kamaminj kurun gote murungem tihibe gago humga kwa,” yirinj.

19

¹ Be, go kamereb Al Kurunyen gasunde al buda kurun kura belen kuware gaha yeke nurmirinj: “Haleluya, Al Kurun turun irninj! Al Kurunbe Dumulgan ten ten Al, denembe turun yan wor po, tarenminj manan kurun wor po.

² Yen belen alyen mata yenen igin ma bulun yinen yinen gobe huwak irde fudinde mat ten hiyen. Al Kurunbe belen nin bere gore leplep mataminde alya bereya megen han kurun gayen bulun yirinj goke merem yan ira. Irde bere gore Al Kurunyen meten mar gasa yirke kamaminj gote wolminen ira,” yaminj.

³ Be, gwaha yenbe sopte po, “Haleluya! Bere go humga kun hi gote kakimbe gwahader hurkun hiyen,” yaminj.

⁴ Be, gwaha yekeb Al Kurunyen alya bereyat doyan marte parguwak 24 goya det binfut minyan sipteya gore wulgurut yen Doyan Al Kurunyen gasunde keperde hi al Al Kurun goyen dolon iraminj. Irdeb kuware po, “Fudinde wor po! Al Kurun turun irninj ko!” yaminj.

⁵ Irkeb go kamereb al melak kura Doyan Al Kurunyen keperd keperd gasunde mat forok yenbe gaha yirinj: “Den Al Kurunyen meten mar, Al Kurunnininj turun irnan. Den al denem yan ya denem monya Al Kurun kafura irde han marbe turun irnan!” yirinj.

⁶ Irde go kamereb al buda kurun̄ beleȳ kuware mere tike nurmirin̄. Meremin̄be kurun̄ wor po, fe kurun̄ hamulare solok yen̄ kateñ migirin̄ teñ hi yara, irde daga kateñ hi yara nurmirin̄. Meremin̄be gahade: “Haleluya! Al Kurun̄ turun̄ irnin̄ ko. Al Kurun̄be Doyan̄ Al Kurun̄ tareñmin̄ kurun̄ wor po. Yen̄ po ga det kurun̄ gayen̄ doyan̄ yirde hi.

⁷ Sipsip dirneñ bere teñ teñ nalu forok yeke bere* gobe goke gitik titin̄ hi. Niñgeb goke igin̄ po nurde aman̄ hen̄be den̄em turun̄ yan̄ irtek!

⁸ Amil igin̄ wor po wukkekk irde milmulken̄ goyen̄ hor ird ird nin̄ bere goyen̄ untin̄. (Amil igin̄ gobe Al Kurun̄yen̄ alya bereyat mata huwak nin̄ yitin̄.)

⁹ Be, go kamereb Al Kurun̄yen̄ miyon̄ beleȳ ninyin̄. “Mere kura gahade kaya: ‘Sipsip dirneñ goyen̄ bere teñ teñ gote dula matare wanayin̄ marbe aman̄ henayin̄,’ kayayin̄,” ninyin̄. Irde sopte, “Mere gabe Al Kurun̄yen̄ mere fudin̄de wor po,” ninyin̄.

¹⁰ Gwaha nin̄keb kahan̄ min̄de kateñ dolon̄ ireñ timirin̄. Irkeb, “Gwaha ma nirayin̄! Ne wor ge yara po Al Kurun̄yen̄ meten̄ al geb. Kadge yago Yesuyen̄ mere gama irde han̄ mar gwahade yara po geb. Yesuyen̄ merebe porofet beleȳ Holi Spirityen̄ san̄in̄de yitin̄ geb, Al Kurun̄ po ga dolon̄ irayin̄!” ninyin̄.

Hos faykek hende kipirtin̄ al

* **19:7:** Bere gobe Yesuyen̄ alya bereya sios nin̄ yitin̄.

¹¹ Be, go kamereb Al Kurunyen gasunde nin yame hol yekeb hos faykek kura hike kinmirin. Hos go hende kipirtin hinhin al gote denembe “Binde mat fudinde meten ten ten al, irde Mere Fudinde ten ten al”. Yen beley alyen mata igin ma bulun yinen fulenā ten hiyen gobe mata huwak mat gwaha ten hiyen.

¹² Al gote dilinbe kak melak yara, tonanbe doyan al kurunyen tonanhor budam han. Irde denē kura ulinde katin hi gega, denē goyen al hoyanbe go ma nurde han, yingen po ga nurde hi.

¹³ Yenbe amil uyan dari bana kirtin goyen hor irtin hi. Al gote denembe “Al Kurunyen Mere.”

¹⁴ Al Kurunyen gasunde nin fulenā mar beley al go gama irde hinhan. Mel gobe amil igin wor po faykek irde wukken goyen hor yirde hos faykek hende keperde kame gama irde hinhan.

¹⁵ Mehen hen hinhin al gote mohon bana matbe fulenāre nin bidila misin yan kura wan hinhin. Bidila gobe naṅa karkuwan karkuwan bana han mar gasa yird yird nin mohonde hinhin. Yen beley naṅa karkuwan karkuwan goyen doyan al kurunyen kutum ain beley po irtin goyen tanarde doyan yirde hikeb kafura henayin. Irde mel goke Al Kurun saninmin kurun wor po hi gore bearar ten hiyen goyen yikala yire yen wain karka ten fimin gilyan hitin yara yiryen.

¹⁶ Amil hor irtin go hendeya bulhekdeyabe denē kura gahade katin hinhin:

MEGEN NIN DOYAN MAR KARKUWANDE
KURUNMIN, IRDE DOYAN MARTE KURUNMIN

¹⁷ Be, gor mat Al Kurunyen miyon kura naṅa

diliŋ hende huwarde hike kinmiriŋ. Yeŋ belen kuware po nu kurayen kurayen naŋa kota foy teŋ kuŋ hinhan kurunŋ goyen yinyiŋ. “Wanaŋ. Waŋ Al Kurunyen dula mata kurunŋde gar gabu irnaŋ.

¹⁸ Gogab megen niŋ doyaŋ mar karkuwaŋ, fuleŋa marte karkuwaŋmiŋ, al tareŋ miŋyaŋ mar, hosya go hende keperde kuŋ haŋ marya gote hakwam gote gasoŋ talde nenayiŋ. Al tumŋaŋ, al du-faymiŋde kuŋ haŋ marya metenŋ mar dulŋenya, irde al deŋem yaŋya deŋem monyat hakwam gote gasoŋ nenayiŋ,” yinyiŋ.

¹⁹ Be, gor matbe dapŋa duwi kafuram goya megen niŋ doyaŋ mar karkuwaŋyabe fuleŋa marminiya belen hos faykek hende kipirtiŋ hinhin al goya fuleŋa marminiya arniŋ yeŋ gabu irde hike yinmiriŋ.

²⁰ Goyenpoga dapŋa duwi kafuram gobe teŋ fere tiyaŋmiŋ. Porofet falkuk dapŋa duwi kafuram goke teŋbe mata tiŋen turŋuŋ yaŋ forok yirde hinhin al goyen wor yeŋya tumŋaŋ fere titiŋ po hinaryum. Usi porofet gobe mata tiŋen goyen forok yirde alya bereya dapŋa duwi kafuram gote deŋem uliŋde teŋ dapŋa gote toneŋ irtiŋ det goyen doloŋ irde hinhan mar usi yirde hinhin. Niŋgeb dapŋa duwi kafuram goya porofet falkukya gobe diliŋ gergeŋ hikeya salfa hora humga kuŋ buk yeŋ fe ala yara hitiŋ bana goŋ yemeyamiŋ.

²¹ Fuleŋa marmiŋbe fuleŋare niŋ bidila hos faykek hende hi al gote mohoŋ bana mat waŋ hinhin gore po gasa yirke kamamiŋ. Irkeb nu tumŋaŋ waŋ gasoŋ talde nene biŋ maŋiŋ hamiŋ.

20

Dama 1,000

¹ Be, gor matbe Al Kurunyen miyon kura gasunminde mat kateh hike kinmirin. Yenbe Mete Dukun wor po kimyan minmon bana kurkun kurkun yame goyen hol ird ird ki minyan. Irde haniindebe sen kurun wor po kura tanartin manan.

² Yen belen deregon goyen tirin. Deregon gobe kunere bikken hinhin go goyen. Gote denembe Ungura, kurabe Satan inen hanjen. Be, Al Kurunyen miyon gore Satan goyen dama 1,000 gwahade fere titinde hiyen yen ten fere tiyyin.

³ Irdeb Satan goyen Mete Dukun wor po bana temeydeb mete gote yame tan kin urdeb al kura belen epte ma hol irnayin yen Al Kurunyen denere son iryin. Gogab dama 1,000 bana gon Satan belen epte ma alya bereya megen han kurun goyen usi yiryen. Dama 1,000 go hubu hekeb Satan go sinare katyen. Goyenbe ulyande ma hiyen.

⁴ Be, gor matbe alya bereyat mata go yenen igin ma bulun yinen yinen tareh minyan marte keperd keperd gasun yinmirin. Irde Yesu Kristu nin tagalde Al Kurunyen mere sanin po tanarde hike goke al belen igin ma nurde binin walke kamamin marya gote toneh yinmirin. Mel gobe dapna duwi kafuram goyen ma dolon iramin. Irde dapna duwi kafuram gote denem kimiinde wet ma haniinde wet goyen ma katin hinhan. Mel gobe kamtinde mat huwardeb dama 1,000 bana

goŋ doyaŋ mar heŋ Yesu Kristuya megeŋ gayen doyaŋ irde hinhan.

⁵ Niŋgeb Al Kurunyen mere tanarde heŋ kamamiŋ mar go muŋ po huwarnayiŋ. Munaŋ al kamtiŋ goyen hoyanbe dama 1,000 goyen hubu heke gab huwarnayiŋ. Mata gobe al kamtiŋ mar meheŋde huwarnayiŋ go goyen.

⁶ Al kamtiŋde mat meheŋde huwarnayiŋ mar gobe Al Kurun belen guram yirde saŋiŋ yirde wukkeŋ wor po yiryen. Mel gobe epte ma kak alare kunayiŋ. Kak alare kuŋ kuŋ gobe sopte kamde kamde mata go gwahade goyen. Gwaha titŋenbe Al Kurunya Yesu Kristuya doloŋ yird yird mata doyaŋ mar henayiŋ. Irde dama 1,000 bana goŋ yenya megeŋ gayen doyaŋ yirde hinayiŋ.

Satanbe bulun hiyyen

⁷ Be, dama 1,000 hubu hekeb Satan gobe koya bana mat teŋ siŋa irke katyen.

⁸ Irde megeŋ murun kurhan kurhan kuŋ alya bereya budam wor po usi yiryen. Go mar gobe Gokya Magokya yinen hanyen. Satan belen go mar goyen fulenŋa teŋ teŋ niŋ gabu yiryen. Mel go gabu yirkeŋ makaŋde niŋ sawsawa yara budam wor po, epte ma kapyan hetek henayiŋ.

⁹ Be, go mar gobe bantoto kurun wor po goyen sam irde kuŋbe Al Kurunyen alya bereya belen keperde han gasuŋ goyen bulun yirniŋ yen milgu yirniŋ. Al Kurunyen alya bereya keperde han gasuŋ gobe taun Al Kurun belen goke amanen nurd unen hiyen go goyen. Be, alya bereya Gokya Magokya yinen hanyen mar gore taun go

milgu irnayin gega, kak belen nan kinde mat katen gwamun yuryen.

¹⁰ Irkeb mel go usi yiryen al Ungura gobe sopte ten salfa hora kak hitin ala bana temeyke hiyen. Kak ala bana gonbe dapna duwi kafuram goya porofet falkukya yimiytin haryen. Ningeb Satanya dapna duwi kafurama porofet falkukya gobe nan kahalya wawunya huginen ulin misin kurun po katen hinayin.

Al kamtin goyen Al Kurun belen merere yiryen

¹¹ Be, gor matbe Doyan Al Kurun belen keperd keperd gasunmin kurun faykek wor po hende kipirtin hike kinmirin. Megenya nan kin yabe yen hitte mat busaharyum gega, gor kura kutek mon geb, hubu po haryum.

¹² Irde kamamin mar kurun goyen al denem yanya denem minmonya Doyan Al Kurunyen keperd keperd gasun dilin mar huwarde hike yinmirin. Gorbe asan hol yirtin hinhan. Irke asan hoyan kura hol yirin. Asan gobe Al Kurunya huginen hitek mar gote denem katin asan. Al kamtinbe megen henya mata ten hinhan kurun goyen asan buda goyen bana gon katin geb, gor mat mata dahade ten hinhan gote murungem tamin.

¹³ Makan alare kamamin marya mete titin marya goyen tumnan merere huward huward nin Al Kurun hitte wayamin. Wanbe megen henya mata ten hinhan gote murungem yawaramin.

¹⁴ Irkeb Al Kurun belen kamde kamde mataya al kamtin yerde hanyen gasunya goyen kak alare

yimiyyiñ. Kak ala gobe al kamtiñde mat huwar-nayiñ mar kura sopte hugiñeñ kamde kamde gasuñde kunayiñ go goyenbe gogo.

¹⁵ Niñgeb al kurate denem Al Kurunya hugiñeñ hitek marte denem asuñde katiñ bana goñ ma hikeb yade kak ala goyenter yimiyyiñ.

21

Nanñkiñ gergenya megen gergenya

¹ Be, gor mat nanñkiñya megenya bikkek gobe hubu hekeb nanñkiñya megenya gergen goyen yinmiriñ. Megen gobe makan miñmoñ.

² Be, Taun Wukken Yerusalem gergen wor po gobe Al Kurunya gasuñde mat kateñ hike kinmiriñ. Taun gobe bere foñeñ kura uñ belen wañ tupi teñ kuñ kuñ ge uliñ umña kusamuñ wor po teñ hanyen go gwahade goyen po Doyañ Al Kurun wañ wañ niñ gitik titiñ hinhin.

³ Be, go kamereb Doyañ Al Kurunya keperd keperd gasuñde gor mat al melak kura forok yeke nurmiriñ. Meremiñbe gahade: “Gayenter Al Kurun heñ heñ gasuñbe alya bereya hañde gor hi! Yenbe mel goya hiyeñ. Irkeb mel gobe Al Kurunya alya bereya henayiñ. Irkeb Al Kurun yingeneñbe mel goya heñbe yende Al Kurun hiyyeñ.

⁴ Yen belen alya bereyat diliñ fimiñ halde yunyeñ. Mata bikkekya det bikkekyabe hubu henayiñ geb, kamde kamde mata hubu hiyyeñ, irde al kamke eseñ obam teñ teñ mata wor hubu hiyyeñ. Go ma esinayiñ, irde uliñ misiñ ma katnayiñ,” yiriñ.

5 Be, Doyaŋ Al Kurunyen keperd keperd gasuŋde kipirtin hinhin al goreb, “Det kurun gayen tumnaŋ gergen wor po yirde hime!” yirin. Irdeb, “Mere gabe fudinde yeŋ nurtek mere geb, asaŋde kaya,” ninyin.

6 Irdeb gaha ninyin: “Metenebe pasi irhem. Nebe Alfaya Omegaya, det kurun gayen min urmirin al, irde pasi ird ird al. Nebe meheŋde wor po hinhem, irde kame wor heŋ. Al kura fe nin yirkeb Al Kurunya huginheŋ heŋ heŋ goyen fe dilinhe mat fe marde waŋ hi yara goyen yunen. Fe goyen yunenbe damu tinaŋ ma yinen, dulin yunen.

7 Al kura al bulun fole iryenbe det gergen hitin kurun goyen tumnaŋ yawaryen. Irke nebe yende Al Kurun hemekeb yeŋbe dirinhe hiyyen.

8 Gega kanduk forok yeŋ yeŋ ge kafura heŋ haŋ mar, Al Kurun nin dufaymin tareŋ ma irde haŋ mar, dufay bulun heŋ haŋ mar, al gasa yirke kamde kamde mar, lelep mata teŋ haŋ mar, merebal kurayen kurayen yirde haŋ mar, det toneŋ yirde doloŋ yirde haŋ maryabe, usi marya gote heŋ heŋ gasuŋbe salfa hora humga kun fe ala yara hitin bana goŋ po hinayin. Gor kunayin gobe kamtinhe mat huwarnayin gega, sopte huginhe kamde kamde gasuŋde kunayin go goyenbe gogo,” yirin.

Yerusalem gergen

9 Be, Al Kurunyen miyoŋ 7 mata kafuram 7 kuwe bana hitin 7 goyen kura tanarde hinhin miyoŋ goreb, “Wake kure. Kun Sipsip dirinhe gote berem gikala giren,” ninyin.

¹⁰ Irdeb Holi Spirit belej ketal nurke nade dugu kurun hende hoyan wor pore gor nukun Taun Wukkek wor po goyen nikala niryin. Taun Wukkek wor po gobe Yerusalem gergen Al Kurunyen gasunde mat katen hinhin.

¹¹ Taun kurun gobe Al Kurunyen sanin turun yan wor po gore hulsi melak yara agat uryin. Agat uryin gobe hora kusamun wor po belej ten hanyen yara tiyyin. Yaspaya kristal wukkenya yara agat wor po uryin.

¹² Taun gobe koya kurun miliin hende hoyan wor po belej milgu irtin. Koya gobe yamemin 12 minyan. Yamere gorbe Al Kurunyen miyon 12 hinhan. Yame 12 go hendebe Israel marte al min 12 gote denem katin hinhan.

¹³ Yame 12 goyen karwobe nanja wan wan belej hinhan. Irde karwo kurabe nanja kurkur belej hinhan. Irde yame karwo kurabe gegelhek kurhan hinhan, munan karwo kurabe kurhan hinhan.

¹⁴ Koya kurun gobe hora karkuwan 12 go hende yirtin. Hora karkuwan 12 go hendebe Sipsip dirnen gote mere basan mar aposel 12 gote denem katin hinhan.

¹⁵ Be, Al Kurunyen miyon neya mere tiyaryum gore taunya koya, irde yameminya gote kurunmin tunan tiye yenbe tunan ten ten de nin kutum gol belej irtin goyen haniinde tanarde hinhin.

¹⁶ Taun kurun gobe murun sipte minyan. Sobamminya pelyenminyabe tunande wor po. Al Kurunyen miyon belej kutum go ten taun kurun goyen tunan ten kenenbe ulyanminbe 2,200

kilomita, irde pelyenminya huwa hurkutinya wor gwahade po.

17 Yen belen taun gote koya tolokmin tunan tiyyinbe 65 mita. Miyon gore tunan tiyyin gobe megen nin det gote kurunmin tunan ten tende nin kutum tenbe tunan tiyyin.*

18 Yerusalem taun gergen gote koyabe hora kusamun kura yaspa inen hanyen gore po irtin. Irde taun gobe gol belen po irtin. Gol gobe galas yara tikin minmon, wukken wor po.

19 Irde koya gote minbe hora kusamun wor po kurayen kurayen gore yade umna yirtin. Koya gote min 12 bana gon mehenbebe yaspa hora belen irtin. Kamere nin min gobe sapaia hora belen irtin. Karwominbe aget hora, sipteminbe emeral hora,

20 siptesononminbe sadonikis, 6minbe hora bukken konilian, 7minbe hora wulsakken krisolait, 8minbe hora digulak yara beril, 9minbe hora wulsakken yara topas, 10minbe krisopires hora, 11minbe haiasin hora, funan 12minbe ametis hora belen po umna yirtin hinhan.

21 Koya gote yame 12 gobe pal hora karkuwan wor po selwen yara gore po yirtin. Yame goyen unken unkenbe pal hora unken unken belen po yirtin. Taun kurun go bana gon nin belenbe gol belen po yirtin. Gol gobe tikin

* **21:17:** Al Kurunyen miyon belen megen nin det gote kurunmin tunan ten tende nin kutum ten Al Kurunyen gasunde nin Yerusalem gote kurunmin tunan tiyyin gobe Yon belen kenen bebak ten ten ge gwaha tiyyin. Ningeb “kilomita, mita” gobe nen al belen bebak ten ten ge po, Yerusalem kurunmin fudinbebe epte ma nurtek.

miɲmoɲ galas yara wukkenɲ wor po.

²² Be, taun bana goɲbe Al Kurunɲen ya balem kura ma kinmiriɲ. Ya balem gobe hoyanɲ moɲ, Kurunɲiniɲ Al Kurunɲ tareɲmiɲ kurunɲ wor po goya Sipsip dirɲenɲa yiɲgeɲbe ya balem go goyen geb, gogo kura ma kinmiriɲ.

²³ Taun bana goɲbe Al Kurunɲen tareɲmiɲ turɲunɲ yanɲ wor po gore hulsi melak heɲ agat urde hiyen gwahade po teɲ hikeb nanɲaya gagasiya niɲ ma nurde haɲ. Taun bana goɲ niɲ hulsibe Sipsip dirɲenɲ gogo.

²⁴ Taun gote hulsi goyen temeykeb nanɲa karkuwanɲ karkuwanɲ bana haɲ marbe taun gote hulsire kuɲ hinayiɲ, irde megen niɲ doyanɲ mar karkuwanɲ beleɲ samunɲmiɲ igiɲ wor po goyen taun bana goɲ yade wanayiɲ.

²⁵ Taun bana goɲbe wawunɲ miɲmoɲ geb, taun gote koya yamebe hugiɲenɲ hoɲ hinayiɲ.

²⁶ Alya bereya nanɲa karkuwanɲ karkuwanɲ bana haɲ gore samunɲmiɲ igiɲ wor poya horamiɲnya yad taun bana goɲ hurkunayiɲ.

²⁷ Goyenbe det kura Al Kurunɲ diliɲde wukkenɲ moɲbe taun bana goɲ epte ma yad hurkunayiɲ. Irde al kura mata memyak teɲ haɲ marya usi mata teɲ haɲ maryabe epte ma taun bana goɲ hurkunayiɲ. Gwahade yarabe Al Kurunɲya hugiɲenɲ hinayiɲ marte deɲem katiɲ asanɲde deɲem haɲ mar go po hinayiɲ. Asanɲ gobe Sipsip dirɲenɲ gote asanɲ.

22

Al Kurunɲya hugiɲenɲ heɲ heɲ sanɲiɲ miɲnyaɲ fe

kurun

¹ Be, gor matbe Al Kurunyen miyon gore Al Kurunya huginēn heñ heñ sanjēn miñyan fe kurun goyen nikala nirke kinmiriñ. Fe gobe galas yara wukkekk wor po, irde Al Kurunya Sipsip dirñenyat keperd keperd gasunđe mat kateñ hinhin.

² Irdeb taun bana goñ beleñ kurunmiñ ka-halyañ gama irde kuñ hinhin. Fe goyen siña kurhan kurhanbe he kura igineñ nene Al Kurunya huginēn heñ heñ he go hinhan. He gote igineñbe dama unjkureñ bana wawuñ 12 gwahade igineñ heñ hiyen. Gagasim gagasim turte igineñ heñ hiyen. Irde he gote yuwalñeñbe alya bereya naña karkuwan karkuwan bana hañ mar gote garbam sope ird ird tareñ miñyan.

³ Taun bana goñbe det kura Al Kurun beleñ karan yurtiñbe goñ ma hinayiñ. Irde Al Kurunya Sipsip dirñenyat keperd keperd gasunđe taun bana goñ hiyen. Irkeb meten marmin beleñ meten teñ yuneñ hinayiñ.

⁴ Mel gobe Sipsip dirñen gote kimiñ kennayiñ, irde deñembe mel gote kimiñde katiñ hiyen.

⁵ Taun bana goñbe wawuñ miñmon hiyyen. Irde Al Kurunbe Doyan Al Kurun geb, tareñmiñ turñuñ yañ gore hulsi yara heñ agat urde hiyen. Irkeb hulsiya nañaya niñ ma nurde hinayiñ. Mel gobe gwahader taun bana det kurun goyen doyan yirde hinayiñ.

⁶ Be, Al Kurunyen miyon goreb, “Mere gabe fufinde, irde hekken nurtek hi. Doyan Al Kurunbe mere basan marmin gote tonenđe Al Kurun. Yen beleñ heñ ga ma mata kura forok

yenayin goyen meten marmin yikala yire yenbe miyonmin ten kerke katyin,” ninyin.

Yesube wayyen

⁷ Be, Yesu belen gaha yirin: “Ga nurnan! Nebe hen ga ma wayen! Al kura Al Kurun belen kame mata dahade forok yiryen goke asanɗe gar katin mere gayen gama irde han marbe Al Kurun belen guram yirde sanin yiryen!” yirin.

⁸ Be, ne Yon gabe mata kame forok yenayin kurun goyen nikala nirde momon nirtin goyen nurmirin, irde kinmirin. Gwaha tenbe Al Kurunyen miyon mata go nikala niryin al goyen dolon ire yen kahan minde wulgurut yimirin.

⁹ Gega miyon goreb, “Gwaha ma nirayin! Ne wor ge yara po Al Kurunyen meten al geb. Nebe geya kadge yago porofetya mere asan gayen bana katin gayen gama irde han marya goyen yara po geb. Ningeb Al Kurun po dolon irayin!” ninyin.

¹⁰ Irdeb gaha ninyin: “Al Kurun belen kame mata dahade forok yiryen goke asanɗe gar katin mere gate iginenbe hen ga mon forok yenayin geb, asan gayen tan sanin ma irayin.

¹¹ Irde al kura mata bulun ten han marbe yubul tike gwahade po ten hinayin. Al kura dufay bulun po gama irde han mar wor yubul tike gwahade po ten hinayin. Irde al kura mata huwak ten han marbe yubul tike gwahade po ten hinayin. Al kura mata wukkeken ten han yen mar wor yubul tike gwahade po ten hinayin,” ninyin.

¹² Irdeb gaha yirin: “Ga nurnan, nebe hen ga ma wayen! Waye yenbe al han kurun goyen mata

daha daha ten hitin gote murungem yawanbe yunen.

¹³ Nebe Alfaya Omegaya, det kurun gayen min urmirin al, irde pasi ird ird al. Nebe mehenje wor po hinhem, irde kame wor hen.

¹⁴ “Be, al kura amil halde hanjen yara matamin wukke yirde han marbe Al Kurun belen guram yirde taren yiryen. Go mar gobe nene Al Kurunya huginen hitek he iginen goyen igin netek han. Irde taun kurun gote koya yame bana igin hurkutek han.

¹⁵ Gega taun go sinarebe Al Kurunen mere tubul titin mar hinayin. Go mar gobe merebal kurayen kurayen yird yird mata ten han mar, lelep mata ten han mar, al gasa yirke kamde han mar, det tonen dolen yirde han mar, irde usi mereya mataya nin amanen nurde han mar kurun gobe taun sinare hinayin.

¹⁶ “Ne Yesu gare den alya bereyane sios goyen merene momon dird dird nin tenbe miyonne ten kermeke kurkun. Nebe Dewityen minde mat watin geb, nebe Dewit Urmin. Irde nebe Bayfon agatnen kurun wor po go goyen,” yirin.

¹⁷ Be, Holi Spiritiya siosya belen, “Wanan!” yaryum. Irkeb al kura mere go nuramin mar wor, “Wanan!” yamin. Fudinde, al kura hugin hitek fe nin kamde han marbe wan fe go nenayin. Fe gobe al kura goke nurde han marbe damum mon dulin nenayin.

¹⁸ Be, ne Yonbe Al Kurun belen kame mata dahade forok yiryen goke asande katin mere gayen nurtin mar goyen gahade hayhay yirde hime: al kura mere ga hende hoyan kura sopte kiryen

al gobe Al Kurun belen asan gayen bana mata kafuram gwahade forok yenayin yitin goyen al go hende forok iryen.

¹⁹ Irde al kura asande gar katin mere kura ten sinja iryen al gobe nene Al Kurunya huginen hitek he iginen goyen netek mar han bana gon mat Al Kurun belen ten sinja iryen. Irde taun wukken wor po goke asande gar katin taun bana gon epte ma hiyen.

²⁰ Be, mata forok yenayin kurun gayen kawan po tagalde hi al gore, “Gwaha, fudinde wor po, nebe hen ga ma wayen,” yen hi.

Gwaha, Doyan Al Kurun Yesu, wayayin!

²¹ Doyan Al Kurun Yesu belen Al Kurunyen alya bereya buninen yirde igin igin yirde hiwon yen gusunan irde hime. Fudinde wor po.

**Al Kurunyen Mere Igin
The New Testament in the Gwahatike Language of
Papua New Guinea
Nupela Testamen long tok ples Gwahatike long
Nuigini**

copyright © 2000 Wycliffe Bible Translators, Inc.

Language: Gwahatike

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-10

PDF generated using Haiola and XeLaTeX on 18 Apr 2025 from source files dated 31 Aug 2023

dbba218f-41f3-5f08-b0b6-2a7c919093ab